

# Sortzaila

SORTUREN ERATZE PROZESUA

Ponentzia 1/2

## **OINARRI IDEOLOGIKOAK ANTOLAKUNTZA EREDUA**



## **SORTU**

### Oinarri ideologikoak eta antolakuntza eredua

#### **I.- SARRERA**

Jarduera politikorako agertoki orokorra .....	04
Proiektu politikoa .....	05
Abiapuntu, oinarri eta garapen demokratikoak.....	06
Praktika politikoa .....	07
Antolakuntza irizpideak.....	09
Ondorio nagusiak.....	10

#### **II.- OINARRI IDEOLOGIKOAK**

SORTUren defnizioa .....	12
Ideen borroka.....	12
SORTUren helburu estrategikoak.....	13
Independentzia .....	14
Sozialismoa .....	15
Euskara .....	17
Feminismoa.....	18
Internazionalismoa .....	19
Ekologismoa.....	20
Demokrazia parte-hartzailea: pertsona aske eta konprometituak.....	21
Euskal Herri anitza .....	23

#### **III.- ANTOLAKETA EREDUA ETA FUNTZIONAMENDUA**

##### **A) SORTUREN ANTOLAKETA EZAUGARRIAK**

Barne bizitzaz .....	24
Hiru borroka molde nagusiez eta antolaketaz.....	28

##### **B) SORTUREN EGITUREN FUNTZIONAMENDUA**

Tokiko egitura (auzoa zein herria).....	32
Hiriburu mailako egitura .....	36
Eskualde mailako egitura .....	38
Herrialde mailako egitura.....	40
Nazio mailako egiturak.....	43

PROPOSAMEN ALTERNATIBOAK .....	48
--------------------------------	----

Gordailu legala:  
SS-1471-2012



[www.sortu.net](http://www.sortu.net)

# SORTU

## Oinarri ideologikoak eta antolakuntza eredua

### I.- SARRERA

**(1)** Antolakuntzaren ikuspuntutik, SORTU “Zutik Euskal Herria” ebazpenaren adierazpen politiko zehatza da. Ebazpen hark bihurtzen du SORTU Euskal Herriko independentisten eta sozialisten erreferentzia jardura eta borroka politikoan; Prozesu Demokratikoan garatu beharreko masa borrokan, konfrontazio ideologikoan eta erakundeetako jardunean. Horrela, ENAMen ondarea eta, aldi berean, aipatu ebazpena ekarri zuen eztabaida estrategikoan egindako eguneratzea jasotzen dituen antolakundea da SORTU.

**(2)** “Zutik Euskal Herria” ebazpenaren mamia ez ezik, SORTUren prozesu eratzaileko eztabaidan jarriko diren eduki nagusien bilduma jasotzen da “Sarrera” deritzen lehen atal honetan. Hau da, azarotik otsailera egingo den prozesuan oinarri ideologikoen, lerro politikoaren eta antolakuntza ereduaren eztabaidan erabaki eta behin betiko txostenean jasoko denaren marrazkitzat har genezake. Nolabait, “Zutik Euskal Herria” ren azken paragrafoa prozesu eratzaile honen lehena bihurtu dugu horrela.

### Jardura politikorako agertoki orokorra

**(3)** Eraikitzen ari garen Prozesu Demokratikoa da SORTUrentzat lan egin eta jarduteko agertoki nagusia; lehenik eta behin, gutxieneko nahikotasuna izango duen egoera demokratikoaren bila; bigarrenik, Euskal Herriaren nazio izaera onartua izateko eta euskal herritarrek erabakitze eskubidea gauzatzeko, marko demokratikoa helmuga izanda; eta hirugarrenik, modu iraunkorrean, gure proiektuari lotutako helburuak eskuratzeko bidetzat hartuta.

**(4)** Euskal Herriaren Determinazio Askearen bidea egitera goaz. Autodeterminazioa ez da eskubidearen erabileraren une zehatzera mugatzen, eta ez da ulertu behar inoiz iristen ez den etorkizuneko helburu estatiko gisa. Gaurtik hasita, eta erabilerarako eta inplementaziorako bideak urratuko diren heinean, euskal herritar guztien erabakitzeko eskubidea prozesu bat dela eta, aldi berean, Prozesu Demokratikoaren muina dela ulertu behar da.

**(5)** Estatuekin akordio bitartez edo aldeakartasunetik, Euskal Herriak bere etorkizuna erabakitzen joan behar du. Eredu orokor horretan kokatzen du SORTUK bere jardura politiko, bere estrategia eta bere proiektu politiko independentista errealitate bilakatzeko apustua.

### Proiektu politikoak

**(6)** Gure proiektu politikoak historian zehar Ezker Abertzaleak berea egin duen berbera da. Euskal Herri independentea eta sozialista, hau da, Estatu egiturak izango dituena. Euskal Estatu behar dugu Euskal Herriak bizirik irautea eta bere garapen osoa bermatzeko, herri nortasuna eta herritarren eskubideak zein ongizatea ahal bezain beste garatzeko. Estatu propio batek eskaintzen dituen bitartekoak behar ditugu, baita beste herriekin eta estatuekin harremana izateko ere. Soilik burujabetza izanda parteka daiteke burujabetza.

**(7)** Euskal Herri sozialista nahi dugu, esplotazioari, injustiziei eta bazterketari aurre egiteko modurik eraginkorrena delako. Herritarren beharrak asetzeko eta herritar guztiek aukera eta eskubide berdinak izateko lanabestzat dugu sozialismoa. Gure herriaren historiari, izaerari eta etorkizuneko beharrei egokitu beharko den sozialismoaz ari gara. Sozialismo identitarioaz ari gara, dogmatismoetatik eta itxikeriatik at.

**(8)** Euskal Herri osoa estruktura politiko bakar batean egituratzea dugu egitasmo, zazpi herrialdeak batuko dituen proiektu politikoak, hain zuzen ere. Euskararen eta arabarren, gipuzkoarren, bizkaitarren, lapurtarren, nafarren eta zuberotarren lurraldea berriro batzeko nahi dugu, historian noizbait egon zen moduan, etorkizunean askatasun osoa irabazteko eta herri nortasunari eusteko eremu egokiena delako.

**(9)** Euskal Herri euskalduna da guk nahi duguna. Euskara euskal herritar guztien komunikazio bitarteko nagusia izatea dugu azken helmuga, gurea herri hizkuntz-aniztasun izango bada ere. Euskara eta euskal kultura osoki garatu gabe ezinezkoa da herri nortasuna mantentzea, asimilazioan erori gabe irautea. Historian ahaztuta galtzea litzateke Euskal Herriaren patua.

**(10)** Euskal Herri feminista. Sistema kapitalistak esplotazio modu berezitua ekarri dio emakumeari, gehienetan are eta bortitzagoa eta ankerragoa. Gure proiektua integrala da eta, neurri horretan, askatasuna eremu orotara zabaldu nahi du. Horrenbestez, emakume eta gizonezkoen erabateko aukera eta eskubide berdintasuna lortzea eta hain errotuta dagoen sistema patriarkala gainditzea ezinbesteko betebeharrak izango dira, Euskal Estatu Sozialistak zinez zapalkuntzari amaiera jarri nahi badio.

**(11)** Jakin badakigu helburu estrategikoak ez direla berehala eta denak kolpe bakar batean etorriko. Euskal Herriak askatasuna bereganatzeko egin beharreko ibilbideak izaera dinamikoa du. Prozesu izaera du, askapen nazionalerako eta eraldaketa sozialerako prozesua, hain zuzen ere.

## Abiapuntu, oinarri eta garapen demokratikoak

**(12)** Gure proiektua gauzatu ahal izateko Iraultza Demokratiko Nazionalerako fasea ireki dugu. Azken bururaino eramaten saiatuko garen egitasmoak, ezbaierik gabe, oinarri demokratikoa baitu.

**(13)** Izan ere, Euskal Herriaren nazio aitortza eta erabakitze eskubidea demokraziari lotuak dira gure herrian. Ezin daiteke demokrazia garatu Euskal Herriko gizon-emakumeek beren etorkizuna aske eta kanpo injerentziarik gabe erabaki ezin badute. Beraz, erabakitze eskubidea ez da abertzaleon aldarrikapen bat, eskabide demokratiko bat baizik. Eta eskubide hori soilik inposiziotik eta demokraziaren kontrako posizioetatik uka daiteke.

**(14)** Eskubide aitortzatik eskubidea gauzatzeko bideak, baldintza politiko eta sozialen berehalako bizkortze ikaragarriak eta prozesuaren bat-bateko azkartzerik ematen ez den bitartean, fase ezberdinak eta tarteko helmugak bete beharko ditu.

**(15)** Subjektu politikoa osatu beharra dago, jakinda Euskal Herriaren aitortzak ez duela automatikoki nazio erakundetzea ekarriko. Gaur egungo erakundeen errealitatetik abiatu beharko dugu eremu politiko berri bat irekitzeko, eta bertatik lurralde ezberdinetan, arian-arian eta herritarren borondatearen arabera, eredu instituzionala zehazteko. Subjektu politikoaren erakundetzea demokratikoa izango da.

**(16)** Europan kokatuko den Euskal Estatua lortzeko bidean, euskal subjektu nazionala birsortzeko lanari lotuta, erdibideko helmugak bilatu beharko dira; esate baterako, lau herrialdeko Autonomi Estatutu bat Hego Euskal Herrian (Nafarroako berezitasuna aitortu beharko duen eta lurraldeen arteko harremana zehaztuko duen barne araudia ere jaso beharko du) eta Ipar Euskal Herriaren instituzionalizazioa.

**(17)** Iraultza Demokratiko Nazionala da egungo fase politikoaren gure ezaugarritzea, eta bere praktika elikatzeko bi ekarpen egin zituen Ezker Abertzaleak "Zutik Euskal Herria" ebazpenaren bitartez: soilik bitarteko politikoak erabiltzeko erabakia eta aldebakartasuna.

**(18)** Borrokarako eta eragiteko moldeak fase politiko berriaren mesedetan jarri genituen.

Indar metaketaren norabidean, masa borroka, borroka instituzionala, desobedientzia eta borroka ideologikoa izango dira tresna bakarrak indar harremana aldatzeko, herri atxikimendua lortzeko eta nazioarteko babesa bilatzeko, Prozesu Demokratikoan barrena.

**(19)** Aldebakartasuna prozesuaren giltzarria da. Halaxe izan zen apustuari ekiteko orduan, lanabes eraginkorra bihurtu arte, baita aurrera begira ere. Prozesu Demokratikoak taupada mantendu dezan, aldaketa politiko eta soziala ekarri nahi dugunon eskutan dagoen lanabesa da.

**(20)** Aldebakartasuna gure herriari eta nazioarteko komunitateari bideratu diegu, eta alde askotariko konpromisoak lortu ditugu eremu horretako zenbait eragiletan. Estatuekin aldebatotasunaren eskema egituratzea ere nahi genuke, bai ondorioei aterabidea emateko (Aieteko Adierazpenak jasotzen duen moduan), bai euskal eragileen artean lortu beharreko akordio politikoen Madrilekin eta Parisekin nola inplementatu adosteko. Bistan da, haatik, indarrean direla trabak eta boikota. Indar harremanean eragitea besterik ez dugu, eta horretarako, berriro ere, aldebakartasuna izango da palanka. Zailtasunak eta oztopoak handiak izango dira, Espainiako Gobernuak konponbideko prozesuan sartzeko asmorik ez duelako. Halere, eragiteko eta egoerak aldatzeko indarra lortu dugu aldebakartasunari esker.

## Praktika politikoa

**(21)** Aliantza politika eta indar metaketa dira SORTUren jardunean ezinbesteko osagaiak, eta horrek bere egin moldeak ere baldintzatuko ditu, nahitaez. Izan ere, bere jarduera propioaz harago, beste indar eta eragile batzuekin egin beharreko elkarlanak lehenetsun osoa du, estrategia osoaren arrakastarako gakoa baita. Aldaketa politikoa eta soziala gauzatu ahal izateko eta berezko proiektu politikoa egingarri bilakatzeko beharko den indar harremana sortzeaz ari gara.

**(22)** Independentziaren eta burujabetzaren aldeko beste indar batzuekin hitzartutako akordio estrategikoen eman digute ibilbide horretarako lehen oinarria. Luzera begirako elkarlana askoz ere gehiago sakontzea eta zabaltzea nahi dugu, ez soilik indar politikoen arloan, baita eremu sozial eta sindikalean ere. SORTUren aburuz, Independentziaren aldeko Herritarren Bloke Nazionala eratzea burujabetza osorako estrategiaren adierazpen gorena litzateke. Edonola ere, SORTUk beste erakundeekiko eta eragileekiko errespetu osoa gordeko du, norberaren autonomia eta erabakitze gaitasuna errespetatuta.

**(23)** Orain arte hitzartutako akordio estrategikoen egunerokoan dute jada isla, hauteskunde eta erakundeen arloetan, mobilizazio eremuan eta borroka ideologikoan.

Akordio horiek eta bertan dauden partaideek irismen estrategikoa eman ahal diete beste alor eta eremu batzuetan egin daitezkeen elkarlanei eta aliantza taktikoei; adibidez, erabakitzeko eskubidearen defentsan saiatu behar direnak, aldarrikapen demokratiko soilen gainean.

**(24)** SORTUk bere gain hartzen du, halaber, konponbidearen arloan jorratu beharreko elkarrizketa politikoari eta erdietsi beharreko akordioei perspektiba estrategikoa emateko erantzukizuna. Hau da, edozein dela ere adostutakoa, proiektu independentista bideratzeko aukera ireki-irekia geratzea dugu ardura.

**(25)** Konponbidearen arloan elkarlana eta akordioak sustatzea garrantzitsua da, ahalik eta indar gehienek, proiektu politiko ezberdinak izan arren, gatazkaren iturburua eta ondorioak gainditzeko ekarpena egin dezaten. Berez, eremu honek beharko luke beste indar batzuekin topo egiteko eremurik zabalena, orain arte etsai edo arerio izan ditugunak barne. Gure borondatea garbia eta zintzoa da, gatazka, azken hiru hamarkadetan izandako parametroetan, gainditu nahi dugu irizpide demokratikoetatik. Esan bezala, elkarrizketak eta akordio politikoak landu beharreko baliabideak ditugu gatazka gainditzeko eta Euskal Herriaren geroa marrazteko.

**(26)** ETAK bere ekinbide armatua behin betiko amaitutzat jo du, baina horrek ez dio indarkeri ezberdinen errealitateari bukaera eman, ezta gutxiagorik ere. Euskal Herriaren eskubideen egiturazko ukazioarekin batera, Estatuak errepresio makinaria bere horretan mantentzen dute. Estrategia horri, bake bidea gaiztotzen duen neurrian, politikoki aurre egiteko ardura hartu behar du SORTUk, eta baita gaur egun muturreko egoera pairatzen duten euskal preso politikoen eta euskal iheslarien eskubideen aldekoa ere.

**(27)** Aldi berean, gatazkak eragindako biktima guztien aitortza egiteko, egia osoa ezagutarazteko eta, etorkizunean bizikidetzaren egokia lortzearen, zauriak ixteko dinamikan konpromisoa hartzeko borondatea du SORTUk.

**(28)** Faktore eta aldagai asko dago jorrazteko, denak garrantzitsuak, egin beharreko ibilbide politikoaren osagaiak guztiak, eta berezitasun propioekin bakoitza. Nolanahi ere, abagune politikoa gorabehera, euskal nazioaren eraikuntza dugu eguneroko lana, arlo orotan, eremu guztietan. SORTUk eta SORTUren parte-hartzea duten eragile politikoek egin beharreko ekarpena bi zentzutan ulertu behar da. Alde batetik, herri mugimenduan sortutako dinamika soziala indartzea eta, beste batetik, herrigintzan emango diren ekimenei babes politikoa ematea, esate baterako, erakundeen inplikazioa indartuz.

**(29)** Lan iraunkorra eta etenik gabekoa da eremu honetan herri eragileek eta pertsona

askok egiten dutena. Intentsitate, erritmo eta izaera ezberdinak aurki daitezke bertan, eta errealitate hori errespetatu beharra dago. Ezker Abertzaleak aspaldi murgildu zuen bere burua eraikuntza nazionalean, baina sortzen diren ekimen, eragileak eta dinamikak ezin daitezke Ezker Abertzalearen gune bilakatu. Herri protagonismoaren erakusle izan behar dute dinamika horiek.

**(30)** Kapitalismoaren ankerkeria langileak eta herri sektoreak aspaldi ez bezala kolpatzen ari den honetan, sektore iraultzaileok, ezkertiarrok eta aurrerakoiek muturreko bidegabekeriari aurre egiteko indarrak batu behar ditugu. Urgentziazko egoerari aurre egiteko, SORTUk eguneroko jardun politikoan eta instituzionalean egiazko aldaketak bultzatu behar ditu politika ekonomikoan, fiskalean eta sozialean. Aldi berean, aldaketa politikoarekin batera aldaketa soziala bideratzeko proposamenak, akordioak eta aliantzak egituratzeko indarra egin beharko du. Eta azkenik, esplotazioari eta bazterketari aurre egiteko praktikari irismen estrategikoa eman beharko diogu, gure proiektu politiko sozialistari lotuta.

## Antolakuntza irizpideak

**(31)** SORTU helburu politikoak lortzeko eta Euskal Herriaren garapen osoari ekarpena egiteko lanabesa da. Halere, ez da lanabes soil, proiektu politikoaren printzipioak eta funtsa ere islatu beharko ditu. Azken batean, proiektu askatzailearen isla izan behar du, izaera integratzaileari eta demokratikoari argi eta garbi eutsiko diona, berarekin bat egiten duten guztiek lekua izan dezaten.

**(32)** Barne demokrazia funtzionamendurako giltzarria da. Militantzia eta kidegoan eztabaida, hausnarketa eta ekarpenak zabaltzeko eta elkar trukatzeko bitartekoak jarriko dira. Bere hitzak izan behar du nagusi estrategia eta norabidea zehazteko orduan. Subjektu erabakitzailea behar du izan. Eguneroko jardueran ezartzen diren ardurek eta konpromiso mailek, nahitaez, ezberdintasunak sortzen badituzte ere, kidego guztiak eta kide bakoitzak aukera osoa izango dute informazioaren transmisioan, eztabaida prozeduretan, prozedura horietan hartu beharreko erabaki nagusietan eta ardura banaketan parte hartzeko. Barne kargu politikoak (organo erabakitzaileetakoak) boz bidez izango dira hautatuak, hauteskunde zerrendetarako SORTUk eramango dituen hautagaiak bezalaxe.

**(33)** Barne funtzionamenduan demokrazia handia behar dugu, eztabaidak aberasteko eta erabakien gaineko batasuna indartzeko. SORTUren barruan, eta ez beste inon, burutu behar dira eztabaidatzeko eta erabakitzeko prozesuak. Militanteak zuzenean edo kideen bozaren bidezko zilegitasunez osaturiko organoak izango dira erabakitzeko subjektu bakarrak.

**(34)** Eraginkortasunari balio politikoa ematen diogu. Eraginkorrak izan eragina izateko, horixe da gakoa estrategia berrituari ahalik eta garapen handiena emateko. Elkarloturik dauden bi moduz ulertu behar dugun terminoa da: eraginkortasuna baliabide oro (politikoak, antolakuntzarenak, militanteak...) ahalik eta hobekien erabiltzeko, eta eraginkortasuna alde aurretik zehaztutako helburuak lortzeko. Bide horretan, kritikak eta autokritikak funtsezko betekizuna izango du. Eraginkor izatea neurtu eta baloratu daitekeen zerbait da. Boluntarismoa, inprobisazioa eta emaitzen gaineko balorazio eza gainditzeko modua da. Bide egokian aurrera egiteko eta akatsak konpontzeko balio behar du, baita ardurak zehazteko eta banatzeko ere.

**(35)** Nazio estrategia da gurea eta, beraz, SORTUK Euskal Herri osoko eta osorako antolakundea izan nahi du, eta horretarako Ipar zein Hego Euskal Herrian antolatuko du bere burua. Urrats hori, ordea, ez da garai bateko Ezker Abertzalea berriro batzeko edo ezkerreko abertzale ezberdinen artean konfluentzia prozesu berri bat burutzeko egingo. Bakoitzak bere bidea egin du eta nortasun ezberdinak berezitu dira, baina, haatik, abertzaleen arteko batasunerako subjektua eraikia dago jada Ipar Euskal Herrian, EH Bai koalizioan. SORTU hiru lurralde horietan eratzeko "Zutik Euskal Herria" -ra bidea egin duten lagunei zuzenduko gaitzaizkio. Horrek guztiak, guztion adostasuna lortuta, gaur egungo Ipar Euskal Herriko Ezker Abertzalearen antolaketa eredian eragin zuzena izango luke, ezinbestean.

**(36)** Antolakunde euskalduna izango da SORTU. Euskara izango da barne bizitzarako hizkuntza, eta izan daitezkeen hutsuneetarako bitarteko eta plangintza zehatzak prestatuko ditu.

**(37)** Kanpo komunikazioan ere euskara ezinbestekoa izango da, eta gazteleraren, frantsesaren eta ingelesaren erabilera gure mezuaren hartzaileren arabera zehaztuko dugu, dela euskal herritar ez euskaldunei begira, dela estatuetakoa iritzi publikoari edota agintariei begira, dela nazioarteko eragileei begira.

**(38)** Eta SORTUK egitura parekideak izan nahi ditu eta, bide horretan, parekidetasunari begirako Barne Plana onartuko du eta plan hori gara dadin barne batzordea martxan jarriko du.

## Ondorio nagusiak

**(39)** – Prozesu Demokratikoan aurrera egiteko, aldaketa politikoa eta soziala gauzatzeko, marko demokratikoa erdiesteko eta Euskal Herria independentziara eramateko bidean, Ezker Abertzalea eta bere espresio politiko nagusia izango den SORTU, ezinbesteko motor politiko dira. Lan hori bete ahal izateko egitura eraginkorra behar

du, bere proiektu politikoaren erakusle eta bere kidego guztiaren bilgune izango dena. Barne demokrazia eta kanpo gardentasuna oinarri izan behar ditu.

**(40)** – Askapen prozesuak luzerako hartu duen jitea dela eta, indar metaketan eta aliantza politikan oinarritutako bilgune zabalak (nagusiki, akordio estrategikoen bide-tik gauzatzen ari dena) funtsezkoak dira. SORTUK eremu horri eman behar dio lehen-tasuna, bertan garatu beharreko lankidetzaz zintzoari eta hedatu beharreko dinamika politiko zein sozialari ekarpena eginez.

**(41)** – Euskal Herria egunero-egunero eraiki behar da, eta lan horretan herria martxan behar dugu, herri mugimenduaren, jendarte eragileen eta herri sektoreen protagonismoaren bitartez. Nazio eraikuntzari eta herri aktibazioari ere ekarpena egin eta babesa eman behar die SORTUK.

## II.- OINARRI IDEOLOGIKOAK

### 1.- SORTUREN DEFINIZIOA

**(42)** SORTU Ezker Abertzale osoaren erreferente politikoa izan behar da, Euskal Herri askearen alde lanean eta borrokan diharduten independentista eta sozialisten Herriarren Batasun historikoaren adierazpen politiko berria.

**(43)** SORTU, Ezker Abertzalearen adierazpen politikoa den aldetik, ENAMen erreferente dinamikoa eta nazio askapenerako eta eraldaketa sozialerako Prozesuaren motorra izateko helburuarekin jaiotzen da. Bere zereginetako bat izango da indarrak kohesionatzea eta Ezker Abertzale osoari norabide taktiko eta estrategikoa eskaintzea, hala arlo ideologikoan nola masa arloan eta arlo instituzionalean. Gainera, bi ezaugarri nagusi hauek izango dituen aliantza politika bat bultzatu beharko du: izaera estrategikoa duen proiektu iraultzaile abertzale eta ezkertiarrekin kontsekuentea izatea eta, aldi berean, erabakitzeko eskubidearen eta aurrerabide sozialaren alde abian jarritako prozesu demokratiko taktikoarekin koherentea izatea.

**(44)** Masa borroka, borroka ideologikoa eta borroka instituzionala izango dira sortzera goazen mugimendu politikoaren jardura ardatz nagusiak. Horrenbestez, SORTU alderdi politiko tradizionalen eruditik urrun dago. SORTUk Euskal Herriarentzako proiektu politiko integrala eta alternatiboa eraiki behar du. Nahi dugun Estatu independente, sozialista, feminista eta euskalduna lortzeko ezinbesteko tresna izan behar da SORTU.

**(45)** SORTU Ezker Abertzalearen adierazpen politiko gorena izan behar da, haren erakunde politikoa, Euskal Herriko egungo errealtate sozioekonomikora egokitutako antolaketa tresna, jendartearen eraldaketa sakoneranzko bidean langileriaren interesak eta herri klaseenak uztartuko dituena.

### 2.- IDEIEN BORROKA

**(46)** Ekonomiari, zientziari, politikari, kulturari, erlijioari edo etikari buruzko ideia multzo bati dagokionez jendartearen zentzu komun bat eraikitzeke prozesua da ideologia. Prozesu hori oso era ezberdinetan garatzen da, esplizituenetatik eta kontzienteenetatik hasi (zientzia, adibidez) eta modu inkontzientean eta plano sinbolikoan ematen direnetaraino.

**(47)** Horregatik, elite politiko eta ekonomikoak ideologiaz baliatzen dira botere ha-

rremanak sortzeko eta, batez ere, legitimatzeko. Hala, Estatu eta sistema kapitalista jendartearen erreproduzitzen dira, besteak beste erlijioa, hezkuntza, aparatu juridiko-politikoak, hedabideak eta kultura erabiliz herritarrentzat alienatzaileak diren ideia, teoria eta sinesmenen sare bat sortzeko, hala nola ekonomia ez dela politika edo demokrazia betean bizi garela.

**(48)** "Adi ez bazabiltzate, zapalduak gorrotatzera eta zapaltzaileak maitatzera bideratuko zaituztete hedabideek", ohartarazten da ideien borroka lantzerakoan. Klase dominatzaileek nola jokutzen duten jakin badakigulako, SORTUk ideia faltsu eta alienatzaile horiek agerian utzi eta praktika askatzaileak eraikiko ditu. Horregatik, SORTUrentzat borroka ideologikoa lehentasunezko borroka eremua da, masa borrokarekin eta borroka instituzionalarekin batera, eta ideologia hegemoniko eta dominatzaileari nagusitzea du helburu.

**(49)** Iraultza Demokratiko Nazionala deitu diogun fase honetan borroka ideologikoa funtsezkoa izango da, baina ez soilik printzipio, teoria, ezagupen, kultura, argudio, erantzun eta kontraerantzun gisa ulertua edo gezurrak suntsitzera eta egiak erietera mugatua, baizik eta ekintza eta jardura zehatzen bidez gauzatua. Gure borroka ideologikoa ideologia dominatzailea pitzatuko duen lantza-punta izan behar da, sistemaren aurkako borroka bikoitza funkatzeko, hau da, nazio askapenerako eta eraldaketa sozialerako prozesuan aurrera egiteko, borroka instituzionalaren bidez eta kontraboterea sustatuko duen masa borrokaren bidez, bi borroka molde horiek emantzipazio bide osagarriak baitira.

### 3.- SORTUREN HELBURU ESTRATEGIKOAK

**(50)** SORTUk bere egiten ditu Ezker Abertzalearen helburu estrategiko historikoak, hau da, Euskal Herri independente, sozialista, feminista eta euskalduna lortzea, internazionalismoaren, ekologismoaren eta aniztasunaren balioetan ere oinarritua.

#### (1. proposamen alternatiboa)

**(51)** SORTUk errebindikatzen duen nazioa Euskal Herria da, denboran zehar egiaztatutako nortasun historiko eta kulturala duen herria. XVI. mendean geroztik herri hori espainiar eta frantziar Estaturen menpe egon da. XIX. mendearen amaieran, gerra karlistak galdu ondoren, EAjren nazionalismo burgesak independentziarako eskubidea duen nazio gisa errebindikatu zuen. Azkenik, XX. mendearen erdialdean langile abertzaleen hainbat sektorek abertzaletasun iraultzaile bihurtu zuten nazionalismo burges hori, sozialismoaren bidez inolako zapalkuntzarik gabeko nazio bat errebindikatu.

## (2. proposamen alternatiboa)

(52) Hala ere, helburu horiek denboran egokitu behar dira, ez baitira berdin ulertzen gaur egun eta orain dela hogeita hamar edo berrogei urte. Prozesuek aurrera egin ahala, beharizan berriei erantzun behar diegu, eta erantzun horiek isla izan behar dute helburu estrategikoen zehaztapenean.

## 4.- INDEPENDENTZIA

(53) Independentzia zazpi lurralde historikoz osatutako nazio baten burujabetzaren berme bakarra da. Kontrakoa, espainiar eta frantziar Estaturen menpe jarraitzea alegia, Euskal Herria bera ukatzea da, arrisku larrian jartzen baitu beraren biziraupen kultural, sozial, politiko eta ekonomikoa, neoliberalismo kapitalistaren doktrinaren azpian globalizatutako mundu batean.

(54) Independentzia gure eredu politiko, ekonomiko, kultural eta sozialaz erabakitzeke eskubidea bermatzeko eta gauzatzeko modua da. Haren bidez, erabakitzen duguna burutu ahal izateko beharrezkoak diren baliabideak eskuratu behar ditugu. Independentzia beharrezkoa da ekonomiaren eta kulturaren gaineko kontrol politiko eta soziala bermatzeko eta erabakiak hartzeko orduan herritarrak parte aktiboa izan daitezen.

(55) Guk munduko beste herri batzuekin elkarlanean jardun nahi dugu, elkartasun internazionalistaren izenean. Gure eremu naturala Europa da, eta Europa soziala eta herriena bultzatuko dugu, aitortzatik, errespetutik eta elkartasunetik.

(56) Herrien burujabetzan oinarritutako Europaren aldekoak gara. Horretarako trantsizioaren lehen fase batean Euskal Herria Europar Batasunaren barruan aitortutako Estatuia izatea dugu helburu. Hor, beste herri batzuekin eta langileriarekin batera, orain kapitalaren zerbitzurako tresna den Batasun horren izaera iraultzeko lan egingo dugu, munduko beste herri eta estatuarekin elkartasun harremanak bultzatuz. Etorkizunean, Estatu independentea izanik, Euskal Herriak erabakiko du EBko kidea izaten jarraitu nahi duen ala ez.

(57) Estatuaren kontzeptu tradizionalak dituen alde negatiboen jakitun izanik, SORTUK bestelako eredu bat eskaintzeko konpromiso sendoa hartzen du. Gure Estatuak nazio, klase edo genero zapalketa ororen kontra jardungo du, ekonomiaren, politikaren, jendartearen zein kulturaren arloan. Jendartearentzat onuragarriak diren elementuak bildu eta jasoko ditu, hala nola ideia sozialistak, herri demokraziaren funtsa edo kulturen nahiz jatorrien aniztasunaren aitortza. Gure Estatuak herritarrek parte hartzeko

tresnak erabili eta garatuko ditu, subsidiarotasun printzipioa hartuko du oinarri lurralde eremu guztietan, auzolanaren eta batzarren bidez parte-hartze demokrazia sustatuz.

(58) Gaur egun, kapitalismoak mozorroa kendu du eta bere alderik ilunena erakusten digu lotsa izpirik gabe. Gaur, botere eta oligopolio finantzarioek hartzen dituzte erabaki nagusiak, beraiek agintzen diete estatuari eta klase politikoari zer-nolako politika publiko eta (des)arauketak gauzatu behar dituzten beraien interesak asetzeko. Gero, klase politikoak neurri horiek inposatzen dizkie langileriarri eta jendarte osoari, eskura dituen bitarteko guztiak baliatuz. Bitartean, patriarkatuaren iraupenak edo baliabide naturalen gutxiespenak sistema edo paradigma horren zutabe nagusi eta beharrezkoak izaten jarraitzen dute.

(59) Hain zuzen ere, sistema eta paradigma horren kontra borrokatzeko konpromisoa hartzen dugu. Paradigma dominatzailea irauli nahi dugu patriarkatuarekin bukatzeko eta Ama Lurrarekin bat eginik biziko diren gizon-emakume aske eta kritikoen jendartea eraikitzeke, non gizon-emakumeak politikaren egile eta protagonista nagusi izango diren. Bide horretan, demokrazia parte-hartzeilea jendartearen premiazko boteretze horren zutabe nagusietako bat izango da. Era berean, boteretze horrek bermatuko du herritarrak eta langileria izango direla politika egin eta erabakitzen dutenak, politikak ekonomian esku hartu eta eragin dezan. Eta, nola ez, gure ereduaren Estatuak ez dira merkatuen tresna izango, herrien tresna baizik, haien kulturarena, hizkuntzarena eta jendeena. Euskal Herriarentzako Estatu bat.

(60) Era berean, independentzia nahi izateak ez du esan nahi kulturari dagokionez nazio homogeen eta uniformizatua nahi dugunik. Guk nahi dugun nazioan bertan bizi eta lan egiten dugun pertsona guztion eskubide guztiak aitortuko dira, baita beste jatorri batzuk dituztenenak edo beste identitate batzuei eusten dietenenak ere.

(61) SORTUK helburu estrategikotzat daukan Euskal Estatuia euskal herritarren gehien-goak hartutako erabakiaren bidez gauzatu da. Estatu horretan, SORTUK langileriarren eta herri sektoreen interesak babestuko ditu, nazio eraikuntza eta eraldaketa soziala garatuz pertsona askez osatutako herri askea eraikitzeke.

## 5.- SOZIALISMOA

(62) SORTUK eraiki nahi duen Euskal Estatu Sozialistak askatasun osoa bermatuko du, esplotazio kapitalista eta patriarkala desagerraraziko du, eskubide indibidual eta kolektiboak babestuko ditu eta bizi baldintza duinak ziurtatuko dizkie pertsona guztiei. Hau da, Estatu integrala izango da. Gobernu egitura izan beharrean,



jendarte zibilaren eta egitura politikoen uztarketa izango da, proiektu politiko emantzipatzailearen bidean.

**(63)** XXI. mendean kapitalismoa errotik erauztea ahalbidetuko digun Euskal Herri sozialista aldarrikatzen dugu, euskal langileriak eta herri klaseek gaur egungo zapalkuntza eta esplotazioa behin betiko gaindi ditzaten, horrela bizimodu berriak eta pertsonen arteko harreman molde berriak sorraraziz.

**(64)** Horretarako, gizon-emakume askez osatutako Euskal Estatu sozialista eta anti-imperialista eraiki nahi dugu. Estatu horren helburua klase zapalkuntzarik gabeko jendartea eraikitzea izango da, justizian eta elkartasunean oinarritua, printzipio feministen arabera emakume eta gizonen berdintasuna bermatuko duena.

**(65)** Badakigu sozialismoa ulertzeko era desberdinak daudela eta desberdintasun horiek ezkerren zatiketa ugarien arrazoi nagusia izan ohi direla. Horregatik, gure proiektuaren helburua Euskal Herriko abertzale ezkeriar guztiak biltzea denez, ezkerre eta sozialismoa ulertzeko modu guztiek lekua izan behar dute bertan. Beraz, proiektu politiko malgua izan behar da gurea, biltzeko joera izango duena, ez jendea alboratzeko. Gure proiektuak Euskal Herriko langileriaren eta herri sektoreen eskubideak nazio, klase edo genero zapalkuntza ororen aurrean defendatzeko balio behar du, betiere gutxieneko printzipio batzuen baitan.

**(66)** SORTUrentzat honako hauek izango lirateke gutxieneko printzipio horiek: klase borrokaren existentziaren onarpena; lana banatzearen eta aberastasuna birbanatzearen beharra, herritar guztien ongizatea bilatuz; elkartasunaren printzipioan oinarritutako zerbitzu publiko indartsuen beharra; autoantolaketaren eta auzolanaren kulturaren defentsa, auzolanaren printzipioetan oinarritutako ekonomia sozial, kooperatibista eta solidarioaren oinarri gisa; ekoizpen-bideen eta sektore ekonomiko estrategikoen jabetza publikoa, horrela esplotazioaren desagertzea bermatuz produkzioaren nahiz erreproduktzioaren arloan.

**(67)** Aurreko guztia eraiki nahi dugun eta justizia soziala helburu duen eredu sozio-ekonomiko propioaren mamia da, XXI. mendeko euskal sozialismoaren funtsa. Sozialismo horrek behin betiko gaindituko ditu Euskal Herriko langileriak eta herri sektoreek gaur egun pairatzen dituzten zapalkuntza eta esplotazioa eta, aldi berean, bizitza nahiz herri proiektu aske, burujabe eta duina gauzatzea ahalbidetuko du, kapitalismoa erro-errotik irauliz eta hari kontrajarriko zaizkion ekoizpen modu, jendarte molde, bizi eredu eta subjektibitate berriak sortuz eta eraikiz.

**(68)** Gure eredu sozialista gure Ama Lurraren defentsan eta elkartasun internazionalistan oinarrituta egon behar da, kontsekuenteak izanez eta sistema kapitalistaren

aurrean beste kontsumo eta ekoizpen eredu bilatuz, pertsonen, herrien eta naturaren esplotazioa gaindituko duen eredu, hain zuzen ere.

**(69)** Gure eredu sozialistaren beste oinarri bat hau izango da: bizimodu hobearen bila beren jatorrizko herri eta herrialdeak utzi behar izan dituzten Euskal Herriko langileekiko aliantza herritarra eta klasekoa.

**(70)** Halaber, SORTUK kontrabotere herritarra eta klasekoa ere bultzatzeko konpromisoa hartzen du, gobernuaren eta kontraboterearen arteko kontraesanak gure proiektu politiko sozialistan sakontzen eta aurrera egiten lagun diezagun.

### **(3. proposamen alternatiboa)**

## **6.- EUSKARA**

**(71)** Euskara gure herriaren nortasun ikur nagusia da, euskal komunitateak bere barne komunikaziorako zein naturarekiko harremanetarako duela milaka urte sortu zuen tresna baita.

**(72)** Euskal Herria eta euskaldunak Frantzia eta Espainia nazio-estatu gisa egituratzeko prozesuen biktimak gara. Mendetako zapalkuntzak geure hizkuntz komunitatea desagaturatu du. Horrenbestez, herritar euskaldun eleanitzez osatutako Euskal Herri euskalduna berrezartzeko, ohitura indibidualak eta kolektiboak aldatu eta euskara lehenetsi behar dugu alor publiko zein pribatu guztietan, Euskal Estatu eskuratu bitartean ahal ditugun urrats guztiak emanez. Euskal Estatu izango da gure hizkuntzaren biziraupenaren berme bakarra.

**(73)** Euskal Estatuak ahalegin berezia egingo du eredu hori behetik gora eraikitzeko, jendartetik instituzioetara. Izan ere, oso argi daukagu Euskal Estaturik gabe ezinezkoa dela euskararen erabilera normalizatzea. SORTUren helburua euskaldun eleanitzez osatutako Euskal Herri euskalduna sortzea da eta, bide horretan, SORTUK eredugarria izan behar du bere ezaugarrietan eta bere praktika linguistikoan.

**(74)** Euskara da Euskal Herriaren nazio hizkuntza. Horrenbestez, hizkuntza ofizial bakarra izango da Euskal Herriko lurralde osoan eta hizkuntz funtzio guztiak (nazionalak eta sozialak) euskaraz beteko dira, euskal jendartean haren erabileraren normalizazioak aurrera egiten duen neurrian. Euskara izango da hizkuntza sozializatzailea eta lehenetsia.

**(75)** Euskal Herriko beste bi hizkuntza mintzatuenek (gaztelania eta frantsesa) estatus berezia izango dute beren lurralde eremuetan. Halaber, euskara, gaztelania edo fran-

tsesa ez diren hizkuntzetako hiztunei beraien hizkuntz eskubide pertsonalak bermatuko zaizkie. SORTUren helburua euskal herritar guztiak euskaldun osoak izatea da, inork bere jatorrizko hizkuntza galdu gabe.

**(76)** Euskal kultura, kontsumo produktu hutsa izatetik harago, herriaren ondarea eta euskal herritarron eskubidea da. Beraz, Euskal Estatuaren kultur ereduak herriaren eta herritarron zerbitzura egon behar du, alegia, kultura demokratizatu egin behar da. SORTUK kontzeptu berriak bereganatuko ditu, hala nola kultur aniztasunaren aitortza, parte-hartze kultura eta oinarrizko kultura; eta kontzeptu zaharrak indartuko ditu, hots, euskal kultura euskaraz egiten dena dela eta kultura bizkorra behar dugula euskaraz. Horretarako, SORTUK kultur eredu berri eta eraldatzaileen sorkuntza sustatuko du.

**(77)** Euskal kultura oinarri eta erdigune gisa hartuta, garai desberdinetako eta munduko beste herri eta jatorri batzuetako kulturekin aberastuko dugu. Kultura horiek guztiak modu egokian ulertu eta integratzeko, SORTUK gurearen iraunkortasuna eta garapena ziurtatu behar ditu, auzolanean, kontuan izanik kulturak zuzenean ukitzen duela emozioen arloa eta aldaketa sozialerako tresna nahiz tresna igorlea dela.

**(78)** Kultur eta hizkuntz ekologiaren bidetik, egungo globalizazio uniformatzailearen ereduaren aurrean, kultur eta hizkuntz aniztasunaren galera geldiarazteko ereduak proposatzen dugu, tokian tokiko kultura eta hizkuntza babestu eta haien garapen osoa sustatuko duena, herritar askez osatutako herrien eta nazioen askatasunaren bidean Estatu sortzeko eta hizkuntza, kultura, herri eta nazio guztien eskubideak aitortzeko. Xedea Euskara Herria berrezartzea eta Europako hizkuntza guztien osasun beteko iraunkortasuna bermatzea da, etorkizun ekitatibo eta iraunkorraren berreraikuntza sozial eta politikoa ahalbidetzeko. Bide horretan aurrera egiteko, hizkuntzen arteko hierarkia (nagusitasuna edo menpekotasuna ezartzea) bukatzea eta berdintasunezko tratamendua aplikatzea eskatzen dugu. Hizkuntz komunitate guztiek dute eskubidea euren hizkuntza politika modu burujabea eta kanpo esku-hartzerik gabe definitzeko eta garatzeko euren lurraldeen barruan, inoren akulturazio prozesurik, kultur inposatzerik edo hizkuntz asimilaziorik onartu gabe, inor behartua izan ez dadin "bere herrian arrotz" izatera. Ildo horretan, mundu ordena berria eratzea beharrezkoa dugu.

## 7.- FEMINISMOA

**(79)** Feminismoa sistema patriarkalari aurre egiteko sortutako teorien multzoa da. Sistema kapitalista patriarkalak pertsonen arteko botere harremanak sortu eta berrantolatzen ditu, emakumeak zapalkuntza egoera iraunkor batera kondenatuz. SORTUren proiektua integrala izan dadin, ezinbestekoa du aldarrikapen feministak jasotzea eta bere egitea.

**(80)** Patriarkatuaren desagertzea helburu, gizon-emakumeon eskubide eta aukera berdintasuna bermatuko duen eredu behar dugu, eta horretarako ezinbestekoa da gaur egun nagusi den jendarte eredu aldaketa. Beraz, pertsona askeak sortuko dituen praktika feminista integrala ezinbestekoa da.

**(81)** Jendarte eredu aldatu beharra dago. SORTUK pertsonen arteko harreman sozial berriak sortu nahi ditu, inolako hierarkiarik gabeko harreman horizontalak. Horretarako, egungo jendarte kapitalista patriarkalari aurre egiteko, SORTUK dio jendarte ez patriarkala eraikitze beharrezkoak diren baldintzak sortuko dituen Estatu behar dugula, feminismoaren balioetan oinarrituta politika (in)formatzaile osoa gauzatuko duena, pertsonen arteko erabateko begirunea sustatuko duena bizitzaren arlo guztietan, hezkuntzaren eta heziketaren arloan bereziki landuko dena, zapalkuntza patriarkalari aurre egiteko estrategiak artikulatuz eta uztartuz.

**(82)** SORTUren helburua patriarkatu kapitalista desagerraraztea da. Horretarako, era integralean egin behar zaio aurre, hau da, eremu guztietatik eta gizon eta emakumeentzako errealitate berri bat eraikitzea ahalbidetuko duten estrategia eraginkorren bidez. Zapalkuntza patriarkalari era integralean aurre egiteko, SORTUK hiru helburu eta eragite eremu funtsezkoak ditu: sozioekonomikoa, politikoa eta ideologikoa.

**(83)** Feminismoak, maila teoriko-ideologikoan zein praktika politikoan eta antolaketa mailan, jendarte justu eta parekidearen aldeko erakuntzan lagundu du eta lagunduko du.

## 8.- INTERNAZIONALISMOA

**(84)** Internazionalismoa Ezker Abertzalearen ideologiaren eta proiektu politikoaren funtsezko osagaia da. Horregatik, taktikoki nahiz estrategikoki garatu behar da SORTUren jardunbide politikoan. Internazionalismoa gure praktika politikoaren zeharlerroa eta berezko elementua izan behar da.

**(85)** Gure jarduera internazionalista ezaugarritzen duten koordinatu ideologikoa honako hauek dira: justiziarekiko, berdintasunarekiko eta herrien nahiz pertsonen autodeterminazio eskubidearekiko konpromiso politikoa, eta SORTUK gure herriaren askapen nazional eta sozialerako borrokarekin duen konpromisoa.

**(86)** Izan ere, Euskal Estatu sozialista eraikitzeak gure herriko langilearen eta herri sektoreen interes estrategikoei erantzuten die, baina baita mundu zabalean sistema kapitalista, inperialista eta patriarkalaren aurka borrokan ari diren herri guztien interesei ere. SORTUren helburu estrategikoa erdiestea, hau da, zazpi herrialdeetarako Estatu sozialista sortzea, ezinbesteko baldintza da benetako politika internazionalista

aurrera eraman ahal izateko eta, horrenbestez, Euskal Herriak borrokan diharduten gainerako herriei egin diezaiekeen elkartasun ekarpenik handiena da.

**(87)** Beraz, praktika internazionalista mailarik gorenera eraman ahal izateko baldintza SORTUren proiektu politikoa erdiestea izanik, proiektu hori lorgarria izan dadin ezinbestekoa da bere baitan osagai internazionalista sendoa edukitzea, gure borrokarekiko elkartasuna sustatuko duena, borrokan ari diren beste herri batzuen esperientziekin gurea aberastuko duena eta munduko egitura kapitalista-inperialista ahultzen duten prozesuak babestuko dituen. Labur esanda, urrats eta borroka orokor nahiz sektorial guztietan gure askapen prozesua indartuko duen osagai internazionalista zehar-lerroa izan behar da.

**(88)** Halaber, internazionalismo hori garatzeko orduan, SORTUK kontuan izango du jatorriz beste herri batzuetakoak diren eta Euskal Herrian bizi diren pertsonak eta kolektiboek jokatzen duten papera, gure borroka haien herrialde eta herrietara eramateko eta haien herrialdeetako borrokak gure herrira ekartzeko.

**(89)** Elkartasun internazionalista sistema kapitalista, inperialista eta patriarkalaren aurka eta bazterketarik zein zapalkuntzarik gabeko sistemaren alde munduan borrokan ari diren herri sektoreen eta herrien interes bateratutik eratorritako beharra da. Elkartasun internazionalistak munduko herri guztien askapen nazional eta sozialerako borrokak elikatzen ditu, elkarrengandik ikasiz eta, aldi berean, gure askapen borrokarekiko elkartasun internazionalista indartuz.

**(90)** SORTUK sistema kapitalistaren ideologia menderatzaileari aurre egiten dioten herri eta estatuarekin elkarlanean aritzeko konpromisoa hartzen du, munduko herri guztien emantzipaziorako, askapen nazional eta sozialerako alternatiba eraikitze-ko eta, horrekin batera, borroka errealean esperientzietatik abiatuta elkarrengandik ikasteko topaguneak sortzeko asmoz. Hori guztia, jakina, herri bakoitzaren denborak, lehentasunak eta borroka moldeak erabat errespetatuz, herri bakoitza klase borrokaren esparru autonomoa baita.

## 9.- EKOLOGISMOA

**(91)** Frogatuta dago kapitalismoak proposatzen digun jendartea beste herri batzuk, pertsonak edo natura (gure Ama Lurra) esplotatuz soilik sostengatu ahal den hazkunde ekonomikoaren eredu delat.

**(92)** Gaur egun bizi dugun krisi estrukturalak hazkunde ekonomiko mugagabearen oinarritutako garapen ereduaren mugak ikusarazten dizkigu; Hegoaldeko herriek

aldaketa prozesuak abiatu dituzte eta beren subiranotasuna berreskuratzen ari dira, Iparraldearen aldetik pairatzen duten esplotazioa eragotziz; eta naturak berak ereduaren mugak erakusten dizkigu, elikaduraren, energiaren eta klimaren arloko inoizko krisirik larrienaren bidez. SORTUK Hegoaldeko prozesuetatik ikastea proposatzen du. Izan ere, konstituzio eta lege berrien bidez garapenaren paradigma birpentsatzen ari dira, ekonomiaren eta ekologiaren arteko lotura berri bat ezarriz.

**(93)** Euskal Herrian, dauzkagun baliabideak baino askoz gehiago kontsumitzen ditugu, gure lurraldeak jasan dezakeen baino kutsadura handiagoa sortzen dugu, eta hori guztia beste herri eta pertsona batzuen kontura egiten dugu. SORTUK aldeztu duen ereduak Euskal Herriaren beharrezko sozial, produktibo eta ekologikoei erantzungo die, naturarekiko orekan beti.

**(94)** Pertsonen, naturaren eta herrien arteko harreman arduratsuak sustatuko dituen eredu soziopolitiko, sozioekonomiko eta soziokulturala behar dugu, natura errespetatu eta zainduko dela bermatuko duen eredu, beste arrazoi batzuen artean natur baliabideak mugatuak direlako eta laster agortuko direlako, hamarkada luzeetan zehar garatu dugun eredu suntsitzailearen ondorioz eta geratzen den apurraren iraupena bermatuko duen eredu sozioekonomiko iraunkorrik ez dagoelako. Horretarako, SORTUK gure inguruneak eskaintzen dizkigun baliabideak zainduko ditu, zentzuz erabiliz eta haien iraunkortasuna bermatuz.

**(95)** Gure garapen eredu propioa aurrera eramatea ahalbidetuko duten tresnak behar ditugu. Bide horretan, subiranotasuna alor guztietara zabaldu, euskal lurraldeen eta eskualdeen arteko garapen orekatua bultzatu eta kontsumo ohiturak aldatu behar ditugu. Autosufizientziara eta lurralde kohesiora jo behar dugu, eta lurralde eredu birbanatzailea, multifuntzionala, solidarioa eta iraunkorra sustatu.

**(96)** Elikaduraren eta, azken batean, bizitzaren merkantilizazioaren aurrean, SORTUK herrien elikadura burujabetzarako eskubidea errebindikatzen du. Honela ulertzen dugu gure eskubide hori: nekazaritzaren, arrantzaren eta elikaduraren arloan herriek beren politika propioak definitu ahal izatea; beren ekoizpena, erauzketa eta nekazaritzako nahiz arrantzako barne merkataritza babestu eta arautu ahal izatea, eredu berriaren helburuak lortzeko.

## 10.- DEMOKRAZIA PARTE-HARTZAILEA: PERTSONA ASKE ETA KONPROMETITUAK

**(97)** SORTUrentzat, "aske izatea" pertsona aktibo, kritiko eta solidarioa izatea da, pertsona konprometitua zapalkuntza ororen aurka eta sexuen arteko berdin-

tasunaren nahiz egoera ahulean dauden kolektibo eta herrien alde.

**(98)** SORTU homofobiaren, xenofobiaren eta arrazakeriaren aurka borrokatuko da eta Estatu akonfesionala sustatuko du. Estatu horretan, hezkuntzak moralaren nahiz sexualitatearen arloko eredu zapaltzaileak baztertuko ditu, familiako harreman mota berriei bidea irekiko zaie eta sexuaren araberako rol eta lan banaketa gaingaituko da.

**(99)** SORTUk sozialismoaren baliorik onenak bilduko dituen eta zapalkuntza ororen kontra borrokatuko den militante eredu sustatuko du. Demokrazia Parte-hartzeilea bultzatuko du, emakumeen eta gizonen arteko eskubide eta aukera berdintasuna bermatuko duen eredu bideratuz. Horri dagokionez, SORTUk ez du parte-hartzea modu orokorrean soilik sustatuko, aurretik egungo demokrazia eredu defizita gaingaitu behar baita.

**(100)** SORTUren helburua jendarte guztiz parte-hartzailearen eredu bultzatzea da. Bertan, hauteskundeak eta parte-hartze zuzenerako bideak elkarren osagarri izango dira, eztabaida prozesuetan, erabakietan nahiz kudeaketan. Horretarako, gobernu irekiak eratuko dira administrazioaren maila guztietan. Halaber, SORTUk herritarrek sortutako antolaketa erak bultzatuko ditu eta erreferendumen bidez hartutako erabakiak errespetatuko dira.

**(101)** Horretarako, SORTUk, eskualde, herrialde nahiz nazio mailako herri galdeketen edo erreferendumen bidez hartutako erabakiak errespetatuko ditu, baldin eta haien helburuek oinarritzko eskubideak urratzen ez badituzte. Horrekin batera, egiten diren galdeketa eta haien emaitzak onartu eta erabaki politikoetan txertatzen direla bermatzeko mekanismo egokiak sortzen joango da.

**(102)** Halaber, SORTUk desobedientzia zibila aldeztu du, demokrazian sakontzeko bide gisa eta honela ulertuta: jendaurreko ekintza bortxarik gabea, kontzientea eta politikoa, bidegabetzat jotzen den lege edo agindu baten kontrakoa, lege edo agindu hori baliogabetzeko eta, legeak ukatzen dituen eskubide zibil eta sozialak de facto aitortuak izan daitezkeen, legedi berria zabaltzeko asmoz jendarte zibilak egiten duena. Guretzat, desobedientzia zibila parte-hartze demokratiko kolektiboaren forma bat da, botereak sustatutako lege edo jarduera bidegabeei erantzutea helburu duena. Desobedientzia zibilaren bidez lege edo egoera jakin bat onartzeari uko egiten zaio, era antolatuan, kontzienteki aurre eginez, haren zentzugabekeria agerian uzteko.

**(103)** Barne mailan, SORTU parte-hartzean oinarrituko da eta erabakiak militantzia guztiaren parte-hartzearekin hartzeko prozesuak sustatuko ditu. Erabakien horizontalizazioa.

## 11.- EUSKAL HERRI ANITZA

**(104)** Euskal Herria bere historia, kultura eta nortasuna dituen herria eta nazioa da, eta horri eutsi nahi dio. Hala ere, SORTUk aintzat hartu behar ditu azken hamarkadetan gertatutako aldaketak. Batetik, Euskal Herriko, gure inguruko eta mundu osoko egitura sozioekonomikoen eta politikoen aldaketa handiak eta azkarrak izan dituzte; bestetik, euskal jendartera eta Euskal Herrira beste herri eta Estatu batzuetako pertsona asko iritsi dira, askotariko jatorri geografiko eta kulturalak dituztenak eta gure artean era desberdinetan txertatu direnak. SORTUk pertsona gisa dagozkien eskubide politiko, sozial eta kultural guztiak aitortuko dizkie pertsona horiei guztiei.

**(105)** Gure Estatu independente, sozialista, feminista eta euskalduna eraikitzeko bidean, SORTUk aliantza estrategikoa egingo du hemen bizi diren eta dagoeneko gure herriaren parte diren beste jatorri eta identitate batzuetako pertsona eta kolektiboekin.

**(106)** SORTUrentzat, Euskal Herrian diren jatorri eta identitate soziokultural guztien arteko bizikidetzarako gako hauxe da: bakoitzaren jatorria edo identitate soziokulturala edozein delarik ere, gure lurralde osoan bizi diren pertsona guztien bizileku, herritartasun eta nazionalitate eskubideak subiranotasunez kudeatzeko ahalmena.

**(107)** Ildo horretan, gure subiranotasuna erdiesteko bidean, SORTUrentzat beste jatorri edo identitate batzuetako pertsonen eskubideak eta Euskal Herriak nazio gisa dituen eskubideak guztiz bateragarriak eta osagarriak dira.

### III.- ANTOLAKETA EREDUA ETA FUNTZIONAMENDUA

#### A) SORTUREN ANTOLAKETA EZAUGARRIAK

##### BARNE BIZITZAZ

**(108)** Hiru dira abian jarri nahi dugun indar politiko berriaren barne bizitzaren ezaugarri nagusiak: barne mailako demokrazia parte-hartzaile iraunkorra, euskararen lehentasuna eta partaidetza parekidea.

**(109) Barne mailako demokrazia parte-hartzaileari dagokionez,** bai ildo politikoaren zehaztapenean, bai barne eta kanpo ordezkarien hautapenean, eta bai ekarpenak eta parte-hartzeak egiteko unean, parte hartzeko bideak eta kontsultak jorratuko ditugu etengabe, herrietako egiturei iritzia eskatuz eta Nazio Batzarrari paper erabakitzaileragoa eta maiztasun handiagokoa emanaz, gaur arte izan dugun barne komunikazio mugatua gaituz. Kultura horretan sakondu behar dugu, SORTUren barne bizitza etengabe elikatuz eta parte-hartzea bultzatuz. Batzar dinamikak alboratu gabe, sare bidezko funtzionamendua garatuko dugu teknologia berriak baliatuz.

**(110) Euskarari lehentasuna emateari dagokionez,** 1996an Herritarren Batasunaren baitan eta Ezker Abertzalearen barruan abian jarri zen eta hain emaitza ona izan zuen Euskararen Plan Orokorra ardatz harturik, SORTUK lan ildo berari eutsiko dio. Helburu hori erdiesteko asmoz, SORTUK Euskararen Plan berria onartuko du. Bitartean, barrura begira bere egitura eta atal nagusi guztiek euskara hutsez funtzionatuko dute (nazio mailakoak, herrialde mailakoak, herri euskaldunetakoak eta hirietakoak) eta, ondorioz, bertako partaide guztiak euskaldunak izango dira. Zonalde erdaldunduenetako herri eta auzoetan soilik bi hizkuntzatan funtzionatuko du SORTUK. Nazio Batzarretan zonalde hauetatik datozen militanteek parte hartzeko aukera izan dezaten bitartekoak jarriko dira. Gauzak horrela, lurralde eremuak kontuan izanik, ezarritako hizkuntza irizpideak bete beharko dituzte bai hautetsiek, bai arduradunek eta baita kanpora begirako lan ideologikoak, komunikatiboak zein prentsa arlokoak ere. Hori horrela izan dadin, bere garaian onartu eta abian jarri zen Aholkularitza egitura berriz bideratuko dugu eta oraindik euskara ikasi ez duten militanteak horretara bultzatuko ditugu.

##### (4. proposamen alternatiboa)

**(111) Egituraren parekidetasunari dagokionez,** eta garatu nahi dugun jendarte

ereduarekin koherentzia, praktika politikoan eta barne bizitzan ere balio feministak izango ditu SORTUK oinarri. Parekidetasuna helburu izango duen egiturak, sexu bereizkeria gaitzeko eta eredu militante baterantz jotzeko, barne eraldaketa prozesua jarriko du abian, eta horretarako behar besteko irizpide, neurri eta tresnez osatutako Barne Plana funkatu eta aurrera eramango du. Bide horretan, neurri zorrotzak funkatuko dira ikuspegi feminista zehar-lerro gisa SORTUren barne bizitza osoan funka dadin. Bide horretan, parekidetasuna marko guztietan eta egitura osoan bermatua egon behar da. Pertsonak, jarrerak, baldintzak, balioak eta abar... parekidetasuna lortzeko egokituak izan behar dira. SORTU indar politiko eredugarria izan behar da borroka feministan, eta hori indar politikoaren baitan ikuspegi, kontzientzia eta praktika feminista lantzetik hasiko da. Ez da eskubide kontua, SORTUK behar bezala funtzionatzeko duen betebeharra baizik.

##### (5. proposamen alternatiboa)

**(112)** Hori bai, SORTUko arduradunek zein militanteek, zer esanik ez hautagai eta hautatuak direnean, dagokien hizkuntza eskakizuna bete beharko dute, parte hartzen duten egituraren hizkuntzaren arabera beti. Bide beretik, koherentzia feminista barneratu eta praktikatu duten militanteak eta arduradunak izan behar dute. Hautaketa prozesuetan, zerrenda parekideen bidean, hautagaien % 35 gutxienez emakumeak izan behar dira. Era berean, emakumeen parte-hartzea eta ordezkartza bermatuta egongo dira barne zein kanpo proiektioa duten arduretan. Barne hauteskundeetan emakumeen promozioa bultzatuko da eta horretarako ekintza positiboak lehenetsiko dira. Horrekin batera, bateragarritasun irizpide eta neurriak funkatu beharko dira.

**(113)** Azkenik, Zutik EHren zutabe diren indar metaketa eta aliantza politikaren esparruan, SORTUK akordio nazionalerako hitzarmena landu du Euskal Herrian dauden beste lau euskal indar politiko soberanista eta ezkertiarrekin. Akordio nazional horrek hauteskundeetarako kandidatura eta instituzioen kudeaketa gaitzeko behar ditu, nazio eraikuntza eta eraldaketa soziala plano ideologikoan, masa borrokan eta borroka instituzionalean bultzatuz. Gauzak horrela, lau indar horiekin lana bideratzeko sortuko diren egitura bateratuetan parte hartuko du SORTUren ordezkartzak (nazionaletan, herrialdekoetan, sektorialetan nahiz herrietakoetan) eta ordezkartza horiek aurrean aipatu ditugun ezaugarriak beteko dituzte.

**(114)** Nola ez, Zutik EHren ondorioak garatzeko orduan, funtzionamendu eta antolaketa eredu berritzaileak gain, militantziaren eredu berria ere bultzatu behar du SORTUK. SORTUrako behar dugun militantzari dinamizatzaile soziopolitikoak izatea dagokio, sektore ezberdinen arteko elkarlana eta auzolana bultzatuz beti. Era berean, egon daitezkeen militantzia maila eta modu ezberdinak ulertu eta bultzatu behar ditu, ahalik eta pertsona gehieni SORTUren ateak eta parte hartzeko aukerak zabal-

duz. Militantea izateko dauden modu ezberdinak onartu eta bultzatu behar ditu, militantzia hori kasu askotan bikoitza izango dela onartuz, batez ere herri erakundeetan daudenekin lanean ari denean. Beraien erritmoak eta ideiak onartzeko prest egon behar du, herri erakundeak transmisio uhaltzat hartu gabe. Horregatik, herri erakundeen eta haien militanteen protagonismoa bultzatu behar du, haien eta SORTUren arteko harreman egokiak, ez-menperatzaileak bideratuz. SORTUko militantearen lan nagusia, beraz, SORTU indartzeaz gain, herri mugimenduekiko elkarlan zabala egituratzea izango da, horretarako behar duen formakuntza ideologiko eta politiko osoa jasoz. Era berean, independentziaren eta sozialismoaren aldeko borrokarekiko ere koherentea izan behar du bere bizitza erudian. Horretarako SORTUko militantearen “dekalogoa” osatu eta onartuko da eta Berme Batzordea izango da horren betetzeaz arduratuko dena. Bertan, militanteen oinarritzko jarrera pertsonalez argipenak emango lirake, eta baita militanteek zein sortukideek estrukturarekin izan ditzaketen arazoez ere, hala nola SORTUren barne bizitzan parte hartzeko eskubideez.

**(115)** SORTU hiru kide mota egongo dira. Lehena, eta zabalena, **oinarri sozialeko kidea** izango da, normalean barne bizitza organizatiboan gutxi parte hartzen duena -auro edota herri batzarretan ez bada-, baina ekimen eta manifestazio nagusietara joaten dena, nahiz eta kuotarik ez ordaindu. Bigarrena **“sortukidea”** izango da, hau da, oinarri sozialeko kidea dena, parte-hartze mugatua duena, mobilizazioetan egoten dena eta, gainera, kuota ordaintzen duena. Eta hirugarrena **militantea** izango da, SORTUko egitura zein herri erakunde ezberdinetan iraunkorki lanean diharduena eta barne bizitza organizatiboan parte-hartze aktiboa duena. Oinarri sozialeko kidea, sortukidea eta militantea dira, beraz, SORTUko kideen hiru kategoriak, eta hirurek dute herri edo auro batzarretan parte hartzeko eta erabakitze eskubidea; ez, aldiz, Herrialde Batzarretan, Nazio Batzarrean eta Kongresuan, bertako partaide izateko barne hauteskundeetan hautatua izan behar baita. Oinarri sozialeko kide hutsak edota sortukideak barne hauteskunde prozesuetan hautagai izatetik hautatu izatera pasatzen direnean, militante bilakatuko dira. SORTUren barne hauteskunde prozesuetan hautatuak izaten direnek beren kargua SORTUren esku utziko dute beti, eta, SORTUren printzipioak errespetatzen ez badituzte edo koherentzia puskatzen badute, SORTUko kide eta hautetsi izaera gal dezakete.

**(116)** Barne mailako demokrazia parte-hartzailea bultzatuz, **SORTUko arduradun politikoak hautatuak izango dira barne hauteskunde prozesu bidez**, eta lantaldeetako kideak izendatuak. Etorkizunean, kanpo hauteskundeetan aurkeztuko diren hautagai guztiak ere dagokien lurralde eremuan barne hauteskunde prozesuen bidez hautatuak izango dira. Kontrakorik esan ezean, instituzioetarako hauteskundeak zein SORTUren Kongresurakoak lau urtetik behin egiten direnez, barne zein kanpo hauteskunde prozesuen bidez hautatutako arduradunak lau urterako izendatuak izango dira, eta ardura instituzional berean gehienez zortzi urte bete ahal izango dituzte.

Izendatu dituen markoak edozein unetan ken ditzake kargutik, horretarako aurreikusita dauden gertakariak emango balira. Barne zein kanpo hauteskunde prozesuak Berme Batzordeak zuzenduko ditu eta bere lana izango da prozedura horiek guztiak zehazten dituen araudia finkatzea.

**(117)** Gauzak horrela, Herrialdeko Batzarretarako, Nazio Batzarretarako eta Kongresurako ordezkariak herri edo auro bakoitzak bere batzarrean hautatuko ditu barne hauteskunde prozesuen bidez. SORTUren eratze fasean egin diren herri edo auro batzarretan parte hartu duten kideen batez besteko kopuruaren arabera finkatuko da auro eta herrien ordezkartza. Kopurua 50etik beherakoa bada, ordezkari bat hautatuko da (herri edo auro Kontseiluko arduradun politiko gisara hautatua izan dena); kopurua 50 eta 100 artekoa bada, bi hautatuko dira; eta 100dik gorakoa bada, hiru. Bigarrena eta hirugarrena ez dira Kontseilu kideak izan behar, baizik eta herri edota auro irizpidez hautatutakoak. Horiekin batera, beraien ordezkariak ere hautatuko dira. Guztiak lau urterako hautatuak izango dira, eta beraien kargua hautatu dituen batzarren esku egongo da beti. Era berean, beti bete beharko dira funkturiko irizpideak, hala nola euskalduintasuna eta parekidetasuna. Etorkizuneko Kongresuetan kopuru hori sortukideen arabera finkatuko da. Aipatutako ordezkari horiez gain, Nazio Batzarretarako soilik, herri edo auro bakoitzeko Batzarrek, Herrialdeko irizpidearekin bost kide hautatuko ditu, Nazio Batzarretan parte har dezaten.

#### **(6. proposamen alternatiboa)**

**(118)** Nola ez, SORTUren funtzionamenduak eta antolaketa ereduak zerikusi zuzena dute Zutik EHren garapenarekin. Bertan funkatutakoaren arabera, hiru dira etorkizunean garatuko ditugun borroka esparru eta molde nagusiak: Masa borroka, Borroka ideologikoa eta Borroka instituzionala. Ondorioz, hiru borroka esparru hauek izango dira SORTUren antolaketa ereduaren bizkarrezurra, beraien presentzia egitura osora zabalduko da. Borroka esparru horien baitan landuko dira SORTUren lan ildo nagusiak, alegia Nazioartekoa, Gatazkaren Konponbidea eta Ezkerretik Eraikiz (Nazio Eraikuntza eta Eraldaketa Soziala). Lan instituzionala aliantza instituzionalaren bidez garatuko du SORTUK.

**(119)** Funtzionamendu egokirako, ezinbestekoa da proposatzen diren egituren izaera argitzea, egitura guztiak ez baitute betekizun bera. Batetik, egitura erabakitzaileak edo exekutiboak izango ditu SORTUK, bertan hautatuek soilik parte hartuko luketelarik: Toki (auro edota herriko) Kontseilua, Eskualde Kontseilua, Eskualdeko Batzarra, Herrialde Kontseilua, Herrialdeko Batzarra, Kontseilu Nazionala, Nazio Batzarra eta Kongresua. Tokiko Batzarrek ere izaera horretako egituren barnean kokatuko genituzke, baina berezitasun batekin: haietan parte hartzeko aukera nahi duenak izango luke, alegia, erabakitzailea izateaz gain irekia izango litzateke. Bestetik, egitura pro-

posatzaileak izango ditu, bertan hautatuek eta izendatuek parte hartuko luketelarik: Borroka Ideologikorako Gunea, Masa Borrokarako Gunea (oinarri sozialari begirako sareak barne), Borroka Instituzionalerako Gunea, Gatazkaren Konponbiderako Gunea eta Nazioarteko Gunea; azkenik, Koordinazio, Barne Antolaketa, Komunikazio-Prentsa eta Finantza aparatuek zein Berme Batzordea, Euskararen Aholkularitza eta Parekidetasun Batzordea.

**(120)** Koordinazio lanari dagokionez, bi dira ikusten diren egitura koordinatzaile nagusiak. Lehen, akordio estrategikoen jarraipenerako indar politikoen artekoa, bertan koordinatzen direlarik beste indarrekin batera antolatu diren egitura konpartitu guztiak, estrategikoak zein taktikoak edota sektorialak. Bigarrena, epe mugatua izango duen Ipar eta Hego Euskal Herrirako koordinazio gunea

## HIRU BORROKA MOLDE NAGUSIEZ ETA ANTOLAKETAZ

**(121)** Masa Borrokaren Gunean biltzen ditugu Ezkerretik Eraikiz (Nazio Eraikuntza eta Eraldaketa Soziala) eta Sarea (SORTUren oinarri soziala egituratzeko sare bidezko dinamikak). SORTUren politika sektorialak funkatzeko, oinarri soziala egituratzeko, dinamizazio sozialerako eta herri mugimendua sustatzeko egitura ez-erabakitzaila da. Ezkerretik Eraikizen bidez, arloz arlo ezker ikuspegitik epe laburrera zein ertainera SORTUK landu beharreko politika sektorialak funkatuko ditu eta dinamizazio soziala, herri mugimenduaren sustapena eta SORTUren masa borroka -zentzu zabalean ulertuta- areagotuko ditu. Ondorioz, SORTUren jendarte mailako lan politikoaren gune zentrala izango da. SORTUren masa borrokaren baitan garatzen den Ezkerretik Eraikiz izango da herri mugimenduaren indarra eta presentzia areagotzeko gure militantziaren lanaz arduratuko den egitura. Horretarako, gure oinarri sozialak eta militantziak herri erakundeetan parte hartuko dute eta, beharrezkoa denean, herri erakunde berriak sortzeko edota indartzeko lan egingo dute (Ezkerretik Eraikizek herri erakundeekiko harreman organikoak landuko ditu, eta Sareak militantziaren kohesioari begirakoak). Ezkerretik Eraikizek, dagokion Kontseiluaren zuzendaritzapean, lan osagarria egingo du, egitura iristen ez den toki eta gaietara gure eraginkortasun politikoa zabalduz. Ezkerretik Eraikizekin batera lan egiten duen Sarea egitura militantzia eta oinarri soziala lotzen dituen zilbor-heste erraldoia da. Bere lanaren bidez, SORTUK bere bizitza politikoa militantzia osora eta oinarri sozialera zabalduko du, norabide bikoitzean lan eginez. Militantzia eta oinarri soziala irizpide politikoen bidez trinkotuko ditu. Gauzak horrela, Masa Borrokaren arloak aparatuek gisa antolatuko du bere burua, lurralde mailako egitura guztietan ordezkaria izanik. Ezkerretik Eraikizen lanean ari diren pertsonak eta talde sektorialak Masa Borrokaren arloan txertatuko dira. Masa Borrokaren arloa izango da Sorturen ildo politiko sektorialen

garapena bermatuko duena, jorratu nahi den gai bakoitzaren inguruan hausnarketak eta proposamenak egiteko lantaldeak antolatuz. Lan horren sozializaziorako, Borroka Ideologikorako Gunearekin elkarlanean arituko da. Masa Borrokaren arduraduna Kontseilu Nazionaleko kidea izango da.

**(122)** Bestetik, SORTUK bere Sare propioa landuko du, SORTUren militantzia eta oinarri sozial osoak SORTUren barne bizitza politikoan parte hartzea bermatzeko, SORTUKo kide guztiak informatzeko, barne koherentzia indartzeko eta haien ekarpenak jasotzeko. Izan ere, beste herri erakundeek dituzten sareak bezalaxe, SORTUK bere sare zabala osatuko du, bere militantzia osoa eta nazio eraikuntzaren zein eraldaketa sozialaren arloko herri erakunde edota mugimenduetan lanean diharduten bere kideak uztartuz. Militanteen lana eta dinamizazioa bultzatzeko, berezko tresnak eta bitartekoak garatuko ditu Sareak. Izan ere, gaur egun, jendarte mugimenduetan Ezker Abertzalekoak diren lagunak asko eta asko dira, baina gehienek ez dute beren herrian parte hartzen, haien zereginak nazio mailan kokaturik daudelako edota Ezker Abertzaleko egituretan parte hartzeko benetako biderik ikusten ez dutelako. Hori guztia irauli behar du SORTUren Sareak. Halako sarea antolatzeak horixe bilatzen du: harreman iraunkorra bermatzea, ildo politikoan eta kohesio ideologikoan sakontzea guztiok norabide berean jo dezagun eta bakoitzak militatzen duen eremuan eragin dezan, SORTUren barne bizitza dinamizatzear gain. Beraz, helburua Ezker Abertzaleak egiten dituen hausnarketa politikoak jende guzti horrekin konpartitzea eta ekarpenak jasotzea da, arloetan funkatzen ditugun erronkak bateratuz eta sozializatuz. Hori guztia da Sarearen lana. Borroka ideologikoa egiteko lehen mailako egitura da Sarea, bide batez, erabakiak hartzeko unean, barne kontsulta ez-erabakitzaila garatzeko sistema bideratzeko aukera emango duena, ohiko batzar erabakitzaila gain.

**(123)** Gauzak horrela, SORTUK jendarte mugimenduak bultzatuko ditu, baina ez ditu bere subjektu sozial propioak sortuko edota haietako batzuk bereganatuko, berriak sortzen lagundu badezake ere. SORTUK lehentasunezko harremana izango du izaera estrategikoa eta lehentasunezkoa duten herri erakundeekin, bere jarduera politiko eta instituzionalaren bidez jendarte mugimenduak indartzen laguntzeko.

**(124)** Nola ez, sartu garen fase politikoaren ezaugarriak kontuan izanik, aurrerantzean herri mobilizazioek inoiz baino garrantzi handiagoa izango dute. Hori bai, ezinbestean eraberritu beharko ditugu, deszentralizatuz eta forma berriak bilatuz. Sare sozialen bidez eginiko lana indartu beharko du SORTUK. Horrek esan nahi du teorizatu eta praktikan jarri behar ditugula konfrontazio demokratikoa, desobediencia edota intsumisioa.

**(125)** Borroka Ideologikorako Guneak Formakuntza atala, barne zein kanpo Komunikazioa eta Prentsa lana barnebiltzen ditu. Fase politiko berrian, Zutik EHN funkatutako

norabideak inoiz baino garrantzi handiagoa ematen dio borroka ideologikoari, eta gaur arte izan dugun prentsa-propaganda binomioa osatzea eskatzen du. Borroka Ideologikoak gutxienez lau esparru izango ditu, eta horren arabera egituratu beharko da Borroka Ideologikorako Gune berria. Lana bi zutabe nagusitan banatuko da: bata, barnera begirakoa -formakuntza eta komunikazioa-; bestea, kanpora begirakoa -komunikazioa eta prentsa-. Gauzak horrela, Borroka Ideologikoak bi arduradun izango ditu, barnera eta kanpora begirakoak eta biak Kontseilu Nazionalako kideak izango dira. Gainerako egituretan ere Borroka Ideologikorako Gunearen arduradunak (barnekoa eta kanpokoak) izendatuko dira.

**(126)** Borroka Ideologikoaren helburua SORTUren ildo politiko orokorra zein Masa Borrokarako Guneetik egiten diren ekarpenak militantziaren baitan eta jendartean zabaltzea eta indartzea da. Bideratu nahi dugun prozesua muturreraino eramateko, SORTUren barneko kohesio ideologikoa indartzea funtsezkoa izango da etorkizunean, baita egiten dugun lana jendartean ezagutaraztea ere. Norabide horretan, militantziaren formakuntzak garrantzi osoa hartzen du. Egungo militantzia eredu berria lantzeko, ezinbestekoa da formakuntza politikoa benetan lantzea. Horretarako, SORTUren Ikas-gunea antolatuko da, bertatik formakuntza lantzeko, liburuxkak argitaratzeko, mintegiak antolatuzko, eztabaida foroak dinamizatuzko, formakuntzarako sareak osatzeko... SORTU osatu ondoren, Borroka Ideologikorako Gunearen lehen lanetako bat Ikas-gune hori zehaztea izango da. Formakuntzarako lan hau egunerokotasun politikotik at bideratu beharko litzateke, Formakuntzak eskatzen duen ezinbesteko autonomiarekin.

**(127)** Komunikazioaren esparruari dagokionez, bi norabidetan garatu behar du lana SORTUK: barrura eta kanpora begira. Barrura begirako komunikazio sistema osoa asmatu beharrean gaude. Parte-hartzea komunikazio ariketa baino gauza zabalagoa dela jakinik, parte-hartze faltaren inguruan gure oinarri sozialaren aldetik jaso ditugun kritiken oinarrian informazio faltak parte handia hartzen duela konbentziturik gaude. Benetako parte-hartzerako eta informazio osoa jasotzeko bitartekoak abian jarriko ditugu. Lan horretan, zerikusi zuzena du barne komunikaziorako plana garatzeak. Parte-hartzea bultzatu nahi badugu, lehenik eta behin, barne komunikaziorako sare eraginkorra antolatu behar dugu, teknologia berriek zabaltzen dizkiguten aukerez baliatuz. Kalera begira, berriz, ohiko komunikazio euskarriak osatu behar ditugu. Kanpo komunikazioa lantzerakoan, bitarteko berriak garatuko ditu SORTUK, klasikoak baztertuko ez baditu ere, hala nola, buzoneoak, portaletakoak, kartelak, pankartak...

**(128)** Teknologia berrien mundua eraginkortu behar dugu etxe barruan ere. Atal honetan zenbait aurrerapen egin ditugun arren, aurrera begira ezinbestekoa izango da tresna horiek ematen dituzten aukera guztiak optimizatuzko plangintza zehaztea. Ildo beretik, kanpo komunikaziora begira ere hutsune nabarmenak izan ditugu, egiten

duguna azaltzeko gai ez baikara izan. XXI. mendean komunikazioa nola garatu behar dugun finkatzea lehentasun nagusietakoa izango da.

**(129)** Azkenik, hedabideen, prentsaren esparrua dugu. Zalantzarik gabe, hori da azken urteotan gehien garatu dugun ildo. Prentsa lana borroka ideologikoaren atal gisa aztertu behar dugu, eta ondorioztatzen diren neurriak zein martxan jartzen diren proiektu guztiak bideratu. Egiten dugun lanari proiektzioa eman eta etekina atera behar diogu.

**(130)** Borroka instituzionalari dagokionez, Euskal Herrian ireki den fase politiko berri honetan, eremu instituzionalean egin beharreko lanak duen eta izango duen garrantzia zalantzarik gabekoa da. Euskal Herriak bere etorkizuna libreki erabakitzera eramango gaituen bidean, instituzioak ezinbesteko tresnak dira proiektu politiko ezkertiar eta abertzalearen alde indarrak biltzeko eta gure alternatiba garatzeko. Edonola ere, demokrazia parte-hartzailea oinarri izango duten instituzioak lortzea izan behar da gure ezaugarri nagusietako bat. Eta horrek jada gure borroka instituzional osoaren ezaugarritzea markatu behar du: jarrera, harremanak, komunikazioa, ildoak...

**(131)** Euskal Herriko beste eragile ezkertiar soberanista eta abertzaleekin indarrak bilduz, ahalik eta babes elektoral eta indar instituzional handiena lortu behar dugu, hortik ere gure proiektu politiko eta soziala errealitate bilakatzeko. Aurrerantzean SORTUK koalizioaren baitan garatuko du lan instituzional hori. Horrek ere ondorio zuzenak ditu eta, oro har, guneak ez biderkatzearen aldeko hautua egingo da (sinplifikazio eta eraginkortasun printzipioak nagusitu behar dira), koalizioaren markoen eraginkortasuna handituz.

**(132)** Nolanahi ere, borroka instituzionalak beste borroken osagarria eta haiekin bateragarria izan behar du. Horretarako, lan instituzionalaren eta beste borroken arduradunen arteko harreman zuzen, iraunkor eta sendoa lortzea ezinbestekoa izango da. Norabide horretan, ezinbestekoa da SORTUren ordezkari instituzionalak egituretan txertatuta egotea, jendarteari begira erreferentzia politikoak direlako eta SORTUren baitan oso paper garrantzitsua jokatu behar dutelako. Beraz, SORTUKo kide diren hautetsiek modu aktiboan parte hartuko dute dagozkien barne egituretan, bereziki Herri Kontseiluetan alkatearen edo zinegotziren baten presentzia bermatuko delarik. Egia da beren jarduera instituzionalean koalizio osoaren sintesia defendatu beharko dutela, baina horrek ez du esan nahi SORTUren barne bizitzan eta eztabaida zein erabaki politikoetan parte hartu behar ez dutenik. Gainerako egituretan bezalaxe, ordezkari instituzionalak barne hauteskunde bidez hautatuak izango dira etorkizunean.

**(133)** Harreman iraunkorraz gain, hautetsien formakuntza politiko eta ideologiko iraunkorra ere ezinbestekoa da. Horretarako, Ezkerretik Eraikizena eta Borroka



Instituzionalaren arteko koordinazioak eta harremanek ere garrantzi handia izango dute. Norabide horretan, hautetsiak arlo, herrialde edota instituzio moten arabera biltzeko beharra egongo da, eta ezohiko batzarren bidez egingo da hori. Izaera formalik ez dute izango eta unearen edo gaiaren arabera bilduko dira. Kasu guztietan, hausnarketarako edo koordinaziorako guneak izango dira, ez-erabakitzaileak beti.

**(134)** SORTUK bultzatuko duen jarduera instituzionalean, herritarren nahia eta borondatea izango da erreferentzia nagusia eta berau oztopatzen duen marko juridiko-politiko gaingaitzea izango da gure helburua.

**(135)** SORTUren Barne Korronteei dagokienez. SORTUK ez du bere baitan Barne Korronterik onartuko. SORTUren barruan sentsibilitate edota espazio politiko ezberdinak daudela jakin arren, eta berauek SORTUren izaera aberasten dutela jakinik, sentsibilitate edo espazio hauek ez dira SORTUren egiturako osagai organikotzat joko, barne korrontek alderdian izan ohi diren moduan. Gauzak horrela, sentsibilitate edota espazio politiko horiek ez dira bere horretan zuzendaritza organo ezberdinetan talde edota korronte antolatu modura ordezkaturik egongo eta ez dute dirurik jasoko, proposamen politiko kolektiboak egin ditzaketan arren. SORTUko kidego osoak du, SORTUkoa den heinean, SORTUren barne bizitzan, eztabaidetan, kontsultetan... parte hartzeko edota hautatua izateko eskubide bera, baina beti maila pertsonalean eta ez korronte antolatuen ordezkari gisa.

## B) SORTUREN EGITUREN FUNTZIONAMENDUA

### 1.- Tokiko egitura (auzoa zein herria):

#### Herri (auzo) mailako funtzionamendua:

**(136)** SORTUren egiturak fase politiko berri honi jarri dizkiogun helburu zein ezaugarri erantzun beharko die. Fase honetako ezaugarri edota lan tresna nagusiak aliantza politika eta indar metaketa izango direnez, sortuko ditugun egiturek zein berauek osatuko dituzten kideek horri begirako antolaketa zein funtzionamendu erdua jarri beharko dute martxan, ezinbestean. Hau oinarri hartuta, herri eta auzo guztietan Herri Kontseiluak tokiko jarduera politiko osoa planifikatu eta dinamizatu beharko du. Herri edo auzo batean egin behar den jarduera politiko guztia -borroka instituzionalari, borroka ideologikoari eta masa borrokari dagokien guztia- ahalik eta egokien egiteko eta uztartzeko oso egitura zabalak eta irekiak behar ditugu. Gure helburu nagusietakoa

konpromiso maila desberdinak hartuko dituzten ahalik eta kide gehien lanean jartzea da. Horretarako egitura malguak eta irekiak behar ditugu. Alabaina, lan politikoa eta kide bakoitzaren denbora ahalik eta gehien optimizatzeko, egitura hauetan ardurak politiko guztiek taxuz definituta eta banatuta egon behar dute. Halaber, funkatuko diren lan ildoen arabera -zero zabor, fracking ez, euskara ordenantza berriak...- lantaldeen bidezko funtzionamendua ahalbidetu behar da. Herriko dinamizazio politikoak garatzeko gune desberdinak aurreikusten dira. Gune hauek, esan den bezala, malguak izango dira, herriko errealitate desberdinen arabera egokitu beharko ditugu, baina zehazten ditugun helburuak lortzeko baliagarriak izan beharko dute. Hauek izango dira guneak: Herri Kontseilua, Herriko Iraunkorra, Herriko Ezkerretik-Sarea, Herri Batzarra eta herriko koalizioaren Udalgintza taldea.

#### Herri (auzo) Kontseilua:

**(137)** Herri Kontseiluak herri mailako jarduera politiko osoa planifikatu eta dinamizatu du. Horretarako, herriko egoeraren inguruan ikuspegi osoa emango dioten kideez osatuko da:

- Herri Kontseiluko koordinatzailea
- Herri Kontseiluko Finantza arduraduna
- Herri Kontseiluko Komunikazio arduraduna
- Borroka Instituzionalerako Gune arduraduna
- Herriko Borroka Ideologikorako Gune arduraduna
- Herriko Masa Borrokarako Gune arduraduna

**(138)** Haezaz gain, gazte mugimenduko kidea, langile mugimenduko, presoek eskubideen aldeko mugimenduko, askatasun demokratikoen aldekoa eta herriko dinamika desberdinetako kideak (euskara, hezkuntza, ingurumena...), Herri Kontseiluko kideak izango dira, SORTUko kideek eginiko proposamenaren baitan Auzo edota Herri Batzarrek onartu ondoren. Masa Borroka, Borroka Ideologikoa edota koalizioaren baitan egingo den Borroka Instituzionala garatzeko ekipoak osatuko dira. Herriko (auzoko) Kontseiluak zabalak izango dira beti, herriko ikuspegi orokor hori mantendu nahi dugun heinean, baina haien osaera eta maiztasuna tokian tokiko errealitatearen, lehentasunen... arabera izango dira. Kide guztiak Herri Batzarretan hautatuak izango dira.

### Herri Kontseiluaren Iraunkorra:

**(139)** Herri Kontseilua benetan zabala baldin bada, hura dinamizatuko duen motorra behar dugu: Herri Kontseiluaren Iraunkorra, hain zuzen ere. Kontseiluaren bilerak prestatzeaz eta dinamizatzeaz gain, bertan hartuko diren erabakiak gauzatzeaz eta koordinatzeaz arduratuko da. Herri Kontseiluaren Iraunkorra osatuko duten kideak konpromiso maila handikoak izango dira. Honako hauek izango dira Iraunkorreko kideak: koordinatzailea, komunikazioa, masa borrokarako, borroka ideologikorako eta borroka instituzionalerako guneetako arduradunak eta Finantza. Guztiak Herri Kontseiluan egongo dira. Iraunkorra astean behin bilduko da.

### Herriko Masa Borrokarako Gunea:

**(140)** Herriko Ezkerretik Eraikiz eta Sarea elkartzen dituen Masa Borroka garatzeko Gunea osatuko da. Bertako kide izango dira Herri Kontseiluko kideak diren Ezkerretik Eraikiz eta Sareko arduradunak, herri mailako herri mugimenduetan antolatutik dauden SORTUko kideak eta oinarri sozialeko kide antolatu gabeak. Beraien ardura herri mailan egin behar den lan soziala piztea eta indartzea izango da, herri mugimenduak indartuz eta beharrezkoa denean sortuz. Hilean behin-edo bilduko da, herriko agenda soziala aztertzeko.

### Herriko Borroka Ideologikorako Gunea:

**(141)** Kanpo zein barne komunikazioaz eta borroka ideologikoz zein formakuntzaz arduratuko den gunea da. Komunikazio eta Borroka Ideologikorako arduradunak Herri Kontseiluko kideak izango dira. Herri mailako lan bikoitza egingo dute. Batetik, SORTUk egiten duen lana komunikatzea, proiektatzea. Bestetik, SORTUko militantziari begirako barne komunikazioa, partaidetza eta formakuntza bermatzea. Hilean behin-edo bilduko da.

### Herriko Borroka Instituzionalerako Gunea: Udalgintza taldea (EH Bildu)

**(142)** Herrian Udal taldeaz gain Udalgintza taldea egotea proposatzen da. Ez da SORTUren egitura izango, EH Bildu koalizioarena baizik. Hala ere, udalgintza eremuan lanean dauden SORTUko kide guztiek EH Bilduren Udalgintza taldean parte hartu behar dute. Herriko Borroka Instituzionalerako Guneako arduraduna, Herri Kontseiluko kidea izango da.

### Herriko Batzarra:

**(143)** Herriko Batzarra herri mailako eztabaida eta erabaki gune nagusia da. Bertan, nazio, herrialde, eskualde eta herri mailako erabaki nagusiak (herriko jarduera politikoa eta plangintza) hartuko dira. Gune irekia izanda, bertan gure oinarri sozialaren sektorerik ahalik eta handienak parte har dezan saiatuko gara. Horretarako, Herri Kontseiluak benetan baliagarriak eta eraginkorrak izatea lortu behar dugu. Deialdia eta metodologia oso ondo lantzeaz gain, maiztasuna ere zaindiko dugu. Herri Kontseilua Herriko Batzarrerako ahalik eta deialdirik zabalena egiteaz eta Batzarra bera dinamizatzeaz arduratuko da. Herriko Batzarrak ez du biltzeko maiztasun zehatzik izango, baina herri eta auzo guzti-guztietan urtean lau aldiz gutxienez bilduko da.

**(144)** Herriko Batzarrak, SORTUren Eratze Prozesuko hiru eztabaida nagusietan parte hartu duten kideen batz besteko kopurua kontuan hartuta, Nazio Batzarrean -eta Kongresuan eta Herrialdeko Batzarrean- bat, bi edo hiru ordezkari izango ditu. Haietako bat, lehenengoa, Herri Kontseiluko koordinatzailea izango da, eta bestea(k) Herriko Batzarreko kideen artean hautatuko d(ir)a. Beraien ordezkioak ere hautatu beharko dira.

### Herri txikietako egitura:

**(145)** Udalerri mailako Kontseilua proposatzen dugu. Udalerriko auzoetako jendez osatzen saiatuko gara eta, nagusiki udal dinamikari ekingo badio ere, ez du dinamika politiko orokorra bazterrean utziko. Herri txikiak aipatzen ditugunean, 1.000 biztanletik beherako udalerriez ari gara. Askotan udalerri horiek auzo pila batez osatuta daudela kontuan hartzeak garrantzi handia dauka. Ezinezkoa da Euskal Herriko herri txiki guztietarako baliagarria izan daitekeen funtzionamendu eredu bakarra ematea; beraz, egoera bakoitzaren arabera egokitu behar den eredu da hau. Gainera, halako herri txikietan udal gaiei buruz eztabaidatu eta erabakitze-ko EH Bilduren batzarrak egingo ditugu, eta dinamika politiko orokorrari buruz eztabaidatu eta erabakitze-ko eskualde mailako SORTUren batzarrak antolatuko ditugu. Proposatzen den tokiko antolaketa eredu orientagarria baino ez da kasu guztietan.

### Herri handietako edo hirietako egitura:

**(146)** Herri handiei eta hiriei dagokienez, auzoetan egitura osatzen hasteko gomendioa egiten da. Kasu horietan hiriburuetako antolaketa eredu jo beharko litzateke.

## 2.- Hiriburu mailako egitura:

### Hiriburuko funtzionamendua:

**(147)** Hiriburu Kontseiluak jarduera politiko osoa planifikatu eta dinamizatu behar du, bertako auzoen esku-hartzearekin. Hiriburuko jarduera politiko guztia -borroka instituzionalari, borroka ideologikoari eta masa borrokari dagokien guztia- ahalik eta egokien egiteko eta uztartzeko Hiriburu Kontseiluek oso egitura zabala izango dute, auzoetako koordinatzaileek ere bertan parte hartuko baitute. Hiriburu Kontseiluetan ere, gure helburu nagusietakoa konpromiso maila desberdinekin ahalik eta kide gehien lanean jartzea da. Horretarako egitura malguak eta irekiak behar ditugu. Alabaina, lan politiko eta kide bakoitzaren denbora ahalik eta gehien optimizatzeko, Hiriburu Kontseilu zabal horietan ardura politiko guztiek taxuz definituta eta banatuta egon behar dute. Halaber, Hiriburu Kontseiluak funkatuko dituen lan ildoen arabera -zero zabor, fracking ez, euskara ordenantza berriak...- lantaldeen bidezko funtzionamendua ahalbidetu behar da.

**(148)** Hiriburu Kontseilua zabala izanik, hura dinamizatuko duen motorra izango da Iraunkorra. Iraunkorra da Kontseiluaren bilerak prestatzeaz eta dinamizatzaz arduratuko dena, bertan hartuko diren erabakiak gauzatzeaz eta koordinatzeaz gain. Hiriburu Kontseiluaren Iraunkorra osatuko duten kideak konpromiso maila handikoak izango dira.

**(149)** Hiriburuko Batzarra da hiriburuko eztabaida gunea da. Bertan, nazio, herrialde eta hiriburu mailako erabaki nagusiak hartuko dira. Benetan baliagarriak eta eraginkorrak izan daitezten, deialdiari eta metodologiari dagokienez oso ondo lantzeaz gain, maiztasuna ere zainduko da.

### Hiriburu Kontseilua

**(150)** SORTUren hiriburuko zuzendaritza politiko da. Estrategia orokorra hiriburura egokitzea dagokio. Lau urterako izendatuko da eta barne hauteskunde prozesuaren bidez hautatuko dira arduradun guztiak:

- Hiriburu Kontseiluko koordinatzailea
- Hiriburuko Kontseiluko Barne Antolaketarako arduraduna
- Hiriburu Kontseiluko Finantza arduraduna
- Hiriburu Kontseiluko Komunikazio arduraduna
- Hiriburuko Borroka Instituzionalerako Guneko arduraduna

- Hiriburuko Borroka Ideologikorako Guneko arduraduna
- Hiriburuko Masa Borrokarako Guneko arduraduna
- Hiriburuko auzoetako kontseiluko koordinatzaileak

**(151)** Hauez gain, gazte mugimendukoa, langile mugimendukoa, askatasun demokratikoa, preso eskubideen mugimendukoa eta hiriburuko dinamika desberdinetako kideak (euskara, hezkuntza, ingurumena...) izango dira Hiriburu Kontseiluko kideak, SORTUko kideek eginiko proposamenaren baitan eta Hiriburuko Batzarrak onartu eta gero. Horrez gain, Masa Borroka, Borroka Ideologikoa edota koalizioaren baitan egingo den Borroka Instituzionala garatzeko ekipoak osatuko dira, lan banaketa egin behar delako borroka ildo bakoitzean. Kontseiluak zabalak izango dira, hiriburuko ikuspegi orokor hori mantendu nahi dugun heinean. Dena dela, egiten den proposamena orientagarria besterik ez da, hiriburuen artean dauden ezberdintasunak kontuan izanik.

### Hiriburu Kontseiluko Iraunkorra

**(152)** Honako kide hauek osatuko dute: Koordinazio arduraduna, Komunikazioko arduraduna, Masa Borrokaren arduraduna, Borroka Ideologikoaren arduraduna, Borroka Instituzionalaren arduraduna eta Finantza arduraduna.

### Hiriburuko Masa Borrokarako Gunea:

**(153)** Hiriburuko Ezkerretik Eraikiz eta Sarea elkartzen dituen Masa Borroka garatzeko Gunea osatuko da. Bertako kide izango dira Hiriburu Kontseiluko kideak diren Ezkerretik Eraikiz eta Sareko arduradunak, hiriburu mailako herri mugimenduetan antolaturik dauden SORTUko kideak eta oinarri sozialeko kide antolatu gabeak. Beraien ardura hiriburu mailan egin behar den lan soziala piztea eta indartzea izango da, herri mugimenduak indartzuz.

### Hiriburuko Borroka Ideologikorako Gunea:

**(154)** Kanpo zein barne komunikazioaz eta borroka ideologikoz zein formakuntzaz arduratuko den gunea da. Komunikazio eta Borroka Ideologikorako arduradunak Hiriburu Kontseiluko kideak izango dira. Hiriburuari begirako lan bikoitza egingo dute. Batetik, SORTUK egiten duen lana komunikatzea, proiektatzea. Bestetik, SORTUko militantziari begirako barne komunikazioa, partaidetza eta formakuntza bermatzea. Hilean behin edo bilduko da.

### Hiriburuko Borroka Instituzionalerako Gunea: Udalgintza taldea (EH Bildu)

(155) Hiriburuan Udal taldeaz gain Udalgintza taldea egotea proposatzen da. Ez da SORTUren egitura izango, EH Bildu koalizioarena baizik. Hala ere, udalgintza eremuan lanean dauden SORTUko kide guztiek EH Bilduren Udalgintza taldean parte hartu behar dute. Hiriburuko Borroka Instituzionalerako Guneko arduraduna, Hiriburu Kontseiluko kidea izango da.

### Hiriburuko Batzarra

(156) SORTUren hiriburuko zuzendaritzaren ildo politikoa kontrastatzeko organoa da. Bere lan nagusia hiriburuari dagozkion gai politikoak aztertzea, ildo politikoa proposatzea eta maila orokorrean zein sektorialean urteko balantzea eta hurrengo urteko aurreikuspena egitea da. SORTUko hiriburuko militante guztiek osatzen dute.

### Hiriburuaren arteko gune ez-erabakitzailea:

(157) Helburua hiriburu ezberdinen arteko kontraste eta eztabaida gunea funkatzea litzateke, etorkizunean hiriburuaren izango dugun jardura funtsezkoa izango baita SORTUren arrakastan. Guztiak hiriburu izanik, eta ezberdintasunak hor izanik ere, elkarlana bideratzeko ezinbesteko tresna da honelako gunea osatzea. Beharren arabera maiztasuna izango dute bilerek.

## 3.- Eskualde mailako egitura:

### Funtzionamendua:

(158) Eskualde Kontseilua bi astean behin bilduko da ohikoak dituen zereginak garatzeko. Horrezaz gain, eztabaida politikoa egiteko ohiz kanpoko bilerak egingo ditu komenigarri iruditzen zaion bakoitzean. Eskualde Kontseilua osatzen duten kide guztiak beren herri batzarretan hautatutakoak dira, bai herrietako Koordinatzaileak eta baita parte har dezaketen herri mailako beste arduradunak (masa borroka,...). Aldiz, Eskualdeko Koordinatzailea herri batzarretan hautatuko da, Herrialde Kontseilua hautatzen denean. Herrialde Kontseiluko Borroka Instituzionalerako Guneko arduradunak izendatuko du eskualdeko borroka instituzionalerako arduraduna. Plangintza izango da oinarritzeko lan tresna eta, beraz, plangintzak eskualde mailakoak direnean, martxan jartzeko unean hartu behar diren erabakiak bideragarriak izan daitezen, iraunkorki

ez bada ere, zenbait kasutan eskualdeko auzo edota herrietako aparatuetako zenbait arduradunek Eskualde Kontseiluan parte hartuko dute.

### Eskualde Kontseilua:

(159) Eskualde Kontseilua SORTUren eskualde mailako ildo politikoa planifikatzeko eta dinamizatzeko gunea izango da. Hori izango da bere lehentasuna. Gainera, herrietako plangintzen jarraipena egingo du eta eztabaida politikoa elikatze gunea izango da. SORTUren eskualdeko zuzendaritza politikoa egiteko ardura izango du, beraz. Estrategia orokorra eskualdera egokitzea ere badagokio. Gainera, eskualdeko egituraren antolakunde osoaren kohesio politikoa eta herrietan sorturiko plangintzen bateratasuna bermatu behar ditu. Era berean, eskualdean dauden edo sortuko diren lan ildoetara aurre egiteko ardura ere izango du; horretarako, Eskualde Kontseiluko kideekin kontatzeaz gain, Herri Kontseiluetako bestelako kideekin, hautetsiekin zein herri mugimenduetan lanean diharduten SORTUko kideekin kontatu ahal izango du. Gauzak horrela, bere funtzio politiko guztiak bete ahal izateko, gune honen osaera ez da funkoa izango.

### (7. proposamen alternatiboa)

Gutxienez honako kide hauek osatuko dute:

- Eskualde Kontseiluko koordinatzailea
- Herri Kontseiluetako koordinatzaileak
- Eskualdeko Borroka Instituzionalerako Guneko arduraduna

(160) Eskualde mailako lan ildoaren arabera, herrietako Masa Borrokarako Guneko arduradunak, herri mugimenduetan parte hartzen duten SORTUko kideak, gazte mugimenduko kideak, sindikalgiak arloan ari diren kideak eta irizpide politikoaren arabera kideak ere bil daitezke.

### Eskualdeko Masa Borrokarako Gunea:

(161) Eskualdeko Ezkerretik Eraikiz eta Sarea elkartzen dituen Masa Borroka garatzeko Gunea osatuko da. Bertako kide izango dira Eskualde Kontseiluko kideak diren Ezkerretik Eraikiz eta Sareko arduradunak, eskualde mailako herri mugimenduetan antolatutako dauden SORTUko kideak eta oinarri sozialeko kide antolatu gabeak. Beraien ardura eskualde mailan egin behar den lan soziala piztea eta indartzea izango da, herri mugimenduak indartzeko eta beharrezkoa denean sortuz. Beharren arabera bilduko da, eskualdeko agenda soziala aztertzeko.

### Eskualdeko Batzarra:

(162) SORTUren eskualdeko zuzendaritzaren ildo politikoa kontrastatzeko organoa da. Bere lan nagusia eskualdeari dagozkion gai politikoak aztertzea, ildo politikoa proposatzea eta maila orokorrean zein sektorialean urteko balantzea eta hurrengo urteko aurreikuspena egitea da. SORTUko eskualdeko militante guztiek osatzen dute.

## 4.- Herrialde mailako egitura:

### Funtzionamendua:

(163) Herrialde mailako egiturek nazio mailaren eta herri mailaren arteko zubi lana egiteari utziko diote. Egitura arintzeko eta, batez ere, herrialdeek egin dezaketek ekarpena ahalik eta ongien gara dezaten, herrialde mailako egiturak "galbahe politikoaren" funtzioari uko egingo dio. Gauzak horrela, herrialde mailako egiturek herrialdeko lan ildoak bete-betean jorratzeari ekingo diote, jakina, eskualdeetako dinamiken jarraipena eginez eta herri eta eskualdeetako egitura guztiak olioztatuz eta elikatuz.

### Herrialde Kontseilua:

(164) Herrialde Kontseiluak herrialde mailako ildo politikoa planifikatu eta dinamizatuko du. SORTUren ildo politiko nazionala ahalik eta egokien garatzeko, Herrialde Kontseiluak herrialde bakoitzari dagozkion berezitasunei erreparatuko die. Zentzu horretan, herrialde bakoitzaren izaera edo egoera aintzat hartuz, Herrialde Kontseiluek berariazko lan ildoez SORTUren ildo politikoa osatu behar dute. Dinamizazio politikorako gunea izanda, osaera zabaleko gunea izatea proposatzen da:

- Herrialde Kontseiluko Koordinatzailea
- Herrialde Kontseiluko Koordinatzailearen ondokoa
- Herrialde Kontseiluko Barne Antolaketaren arduraduna
- Herrialde Kontseiluko Komunikazio arduraduna
- Herrialdeko Finantza arduraduna

- Herrialdeko Borroka Instituzionalerako Guneko arduraduna
- Herrialde mailako ordezkari itzaz itzaz instituzionala (hiru edo lau hautetsi)
- Herrialdeko Borroka Ideologikorako Guneko arduraduna.
- Herrialdeko Masa Borrokarako Guneko arduraduna
- Eskualde Kontseiluetako koordinatzaileak
- Hiriburu Kontseiluko koordinatzailea
- Herrialdeko irizpide politikoaren arabera hautatutako kideak (gazte mugimendua, langilea mugimendua, askatasun demokratikoena, presoek eskubideen aldeko mugimendua...).

(165) Ahal den neurrian, Masa Borroka, Borroka Ideologikoa eta Borroka Instituzionala garatzeko ekipoak osatuko dira, lan banaketa egin behar delako borroka ildo bakoitzean. Hauek gain, herrialdeko dinamika desberdinetako kideak (euskara, hezkuntza, ingurumena...) Herrialde Kontseiluko kideak izango dira, SORTUko kideek eginiko proposamenaren baitan eta Herrialde Batzarrak onartu eta gero. Herrialdeko bozeramaleak, Herrialde Kontseiluak izendatuko ditu. Dena dela, egiten den proposamena orientagarria besterik ez da. Herrialdeko Batzordea bi astean behin bilduko da.

### Herrialde Kontseiluaren Iraunkorra:

(166) Herrialde Kontseiluaren Iraunkorrak Herrialde Kontseiluaren erabakiak gauzatuko eta bideratuko ditu. Gainera, herrialdean ildo politiko nazionalaren kudeaketa funkatuko du. Horretarako, hau izango da Herrialdeko Iraunkorraren osaera: Herrialde Kontseiluko Koordinatzailea, Herrialde Kontseiluko Koordinatzailearen ondokoa, Herrialde Kontseiluko Barne Antolaketaren arduraduna, Herrialde Kontseiluko Komunikazio arduraduna, Herrialde Kontseiluko Finantza arduraduna, Herrialdeko Masa Borrokarako Guneko arduraduna, Herrialdeko Borroka Instituzionalerako Guneko arduraduna, Hiriburu Kontseiluko koordinatzailea eta bozeramaleak. Astean behin bilduko da.

### Herrialdeko Masa Borrokarako Gunea:

(167) Herrialdeko Ezkerretik Eraikiz eta Sarea elkartzen dituen Masa Borroka garatzeko Gunea osatuko da. Bertako kide izango dira Herrialde Kontseiluko kideak diren

Ezkerretik Eraikiz eta Sareko arduradunak, herrialde mailako herri mugimenduetan antolaturik dauden SORTUko kideak eta oinarri sozialeko kide antolatu gabeak. Beraien ardura herrialde mailan egin behar den lan soziala piztea eta indartzea izango da, herri mugimenduak indartuz eta beharrezkoa denean sortuz. Beharren arabera bilduko da, herrialdeko agenda soziala aztertzeko.

### Herrialdeko Borroka Ideologikorako Gunea:

(168) Kanpo zein barne komunikazioaz eta borroka ideologikoz zein formakuntzaz arduratuko den gunea da. Komunikazio eta Borroka Ideologikorako arduradunak Herrialde Kontseiluko kideak izango dira. Herrialdeari begirako lan bikoitza egingo dute. Batetik, SORTUK egiten duen lana komunikatzea, proiektatzea. Bestetik, SORTUko militantziari begirako barne komunikazioa, partaidetza eta formakuntza bermatzea. Hilean behin-edo bilduko da.

### Herrialdeko Borroka Instituzionalerako Gunea:

(169) Udalgintza arduradunek eta Herrialdegintza arduradunak osatuko dute. Bere zeregin nagusia herrialde mailako politika instituzionalaren koordinazioa aurrera eramatea da, Herrialde Kontseiluaren eta nazio mailako ildo instituzionalaren plangintzaren baitan beti.

### Herrialdeko Batzarra:

(170) Herrialdeko Batzarra herrialde mailako ildo politikoaren inguruko eztabaidarako eta erabaki nagusiak hartzeko gunea da. Herrialde Kontseiluak eztabaidatzeko proposamenak luzatuko dizkio. Herrialdeko Batzarra Herrialde Kontseilua osatzen duten kide guztiek, herrialdeko instituzioetako hautetsiek, herrialdeko egiturako gainontzeko kide liberatuek -hitzarekin baina bozka emateko eskubiderik gabe- eta Herriko Batzarrek hautatutako ordezkari guztiek osatuko dute. Ez du maiztasun finkorik izango, baina herrialde guztietan urtean hiru aldiz gutxienez bilduko da.

### Herrialdeko Koordinazio-gunea:

(171) Herri eta eskualdeetako dinamika olioztatzeko, elikatzeko eta haren jarraipena egiteko, Herrialde Kontseiluko Koordinazio arduraduna eta Eskualde Kontseiluetako koordinatzaileak bilduko dira. Gune honek izaera tekniko-politiko izango du eta astean behin bilduko da.

## 5.- Nazio mailako egiturak:

### Funtzionamendua:

(172) Hein handi batean, nazio mailako funtzionamendua Nazio Batzarrak -eta, ondorioz, Herriko Batzarrek- SORTUren dinamika politiko orokorrean hartu behar duen pisu espezifikorekin menpe egongo da. Gauzak horrela, nazio mailako egiturek Nazio Batzarrak erabakiak ahalik eta modurik egokienean har ditzan lan egin behar dute.

### Kontseilu Nazionala:

(173) Sorturen jardura politiko orokorra planifikatu eta dinamizatuko duen zuzendaritza-gunea izango da. Haren osaera honako hau izango litzateke:

- 1.- Idazkari Orokorra
  - 2.- Kontseilu Nazionalako Koordinatzailea (Lehendakaria)
  - 3.- Kontseilu Nazionalako Barne Antolaketarako arduraduna
  - 4.- Kontseilu Nazionalako Komunikazio arduraduna
  - 5.- Kontseilu Nazionalako Finantza arduraduna
  - 6.- Borroka Instituzionalerako Gune arduraduna
  - 7.- Borroka Ideologikorako Gune arduraduna
  - 8.- Masa Borrokarako Gune arduraduna
  - 9.- Gatazkaren Konponbiderako Gune arduraduna
  - 10.- Nazioarteko Lan Taldearen ordezkaria
  - 11 eta 12.- Bi bozeramaile nazionalak
  - 13.- Arabako Kontseiluko koordinatzailea
  - 14.- Bizkaiko Kontseiluko koordinatzailea
  - 15.- Gipuzkoako Kontseiluko koordinatzailea
  - 16.- Nafarroa Kontseiluko koordinatzailea
  - 17.- Irizpide politiko nazionalaren arabeko bost kide.
- Guztira, hautatutako 21 lagun.

(174) Kide guztiak auzo eta herri batzarretan hautatuak izango dira, SORTUko kideek eginiko proposamenaren baitan. Kontseilu Nazionalako arduradun bakoitzak bere lana garatzeko ekipoak izendatuko ditu.

(175) Egunerokoaren gainean hamaika erabaki hartu beharko baditu ere, erabaki nagusiak Nazio Batzarraren -eta Herriko Batzarren- esku utziko ditu. Horretarako, Nazio Batzarrari eta Herriko Batzarrei proposamenak luzatuko dizkien gunea izango da. Astean behin bilduko da.

### **Kontseilu Nazionalaren Iraunkorra:**

(176) Kontseilu Nazionalak egunerokoaren gainean hartutako erabakiak gauzatzear edo bideratzear arduratuko da. Iraunkorreko kideak honako hauek izango dira: Idazkari Orokorra, Kontseilu Nazionalako Koordinatzailea (Lehendakaria), Kontseilu Nazionalako Barne Antolaketarako arduraduna, Kontseilu Nazionalako Komunikazio arduraduna, Kontseilu Nazionalako Finantza arduraduna, Masa Borrokaren arduraduna, eta Borroka Instituzionalaren arduraduna. Astean behin bilduko da.

### **Koordinazio-gune nazionala:**

(177) Eskualdeetako dinamika politikoa koordinatzeko, nazio mailako Barne Antolaketarako arduraduna astean behin eskualde kontseiluetako koordinatzaile guztiekin bilduko da. Bertan, eztabaida politikoa egiteaz gain, herrietako eta eskualdeetako dinamika politikoa nolabaiteko operatibizatu aztertuko dute.

### **Masa Borrokarako Gune nazionala:**

(178) Bertan uztartuko dira Ezkerretik Eraikizena eta Sarearen bidez egiten diren lanak. Hiru eremutan dinamizatuko da lan soziopolitiko guztia: eremu soziokulturalean, eremu sozioekonomikoan eta zehar-lerroko eremuan.

(179) Eremu soziokulturalean parte hartuko dute, besteak beste, Euskara lantaldeak, Hezkuntza lantaldeak, Kultura lantaldeak eta Kirol lantaldeak. Eremu sozioekonomikoan parte hartuko dute, besteak beste, Ekonomia lantaldeak, Etxebizitza lantaldeak, Nekazaritza lantaldeak, Arrantza lantaldeak, Industria lantaldeak eta Jendarte Politika lantaldeak. Zehar-lerroko eremuak Politika Feminista, Aniztasuna eta Gazteria barnebilduko ditu, besteak beste.

### **Borroka Ideologikorako Gune nazionala:**

(180) Bi lantalde osatuko dira: Kanpo Komunikazioa eta Prentsa, eta Barne Komunikazioa eta Formakuntza.

### **Borroka Instituzionalerako Gune nazionala:**

(181) Borroka instituzional osoaren koordinaziorako gunea osatuko da. Gune honen helburua barne dinamizazioa eta borroka honi dagozkion gaien inguruko hausnarketa egitea izango da. Honako arduradun hauek osatuko dute.

- Borroka Instituzionalerako arduradun nazionala.
- Udalgintzarako arduradun nazionala, Udalgintza taldea dinamizatuko duena.
- Herrialdegintzarako arduradun nazionala, Herrialdegintza taldea dinamizatuko duena.
- Gasteizko eta Iruñeko parlamentuetako parlamentari taldeen ordezkariak.
- Madrilgo Kongresuko lantaldearen ordezkaria.
- Europako Legebiltzarreko parlamentaria.

(182) Lantalde honek Udalbiltzako eta sor litezkeen egitura instituzional berrietako lanak ere hartuko ditu bere gain. Era berean, bi izango dira lan horretaz gain osatuko diren lantalde nazionalak: Udalgintzako eta Herrialdegintzako.

### **Nazioarterako Gune nazionala:**

(183) Nazioarteko Harremanetarako Taldean bi lan bereizten ditugu. Batetik, SORTUK funkatzen dituen helburu eta ildoaren garapenerako nazioartean beharrezkoak dituen harreman, aliantza eta lobby lanaren kudeaketa; nazioarteko eragile ezberdinekin harremanak izan eta garatu gure ildo indartzeko. Bestetik, SORTUK eragile politiko bezala garatu behar dituen elkartasuna, kooperazioa, internazionalismoa eta instituzioetako kanpo harreman politikak eta ekintzak, herrietatik hasi eta instituzioetaraino doazenak. Bigarren hau koalizio zabalean eta herri mugimenduekin elkarlanean egingo da. Nazioarteko Harremanetarako Taldeak nazioarteko harremanak eta elkartasuna, kooperazioa, internazionalismoa eta instituzioetako kanpo harremanen ildo politikoa zuzendu eta koordinatu behar ditu, baina bigarrena Borroka Instituzionalerako

Gune Nazionalarekin harremanetan. Nazioarterako Lantaldeak ordezkaria izango du Kontseilu Nazionalan.

**(184)** SORTUK EH Bildu koalizioarekin adostu beharko ditu instituzioetan elkarrekin garatuko dituzten kanpo harreman, kooperazio eta elkartasun politikak.

### **Gatazkaren Konponbiderako Gune nazionala:**

**(185)** Kontseilu Nazionalak Gatazkaren Konponbiderako Gunea osatuko du, gatazkaren konponbidearen eremuan garatu behar duen politika eta bideratu behar dituen ekimenak prestatzeko, hori izango baita nazio mailan SORTUK garatuko dituen bost lan ildo nagusietako bat. Euskal preso politikoen eta iheslarien etxeratzea eta Estatu espainiarrak zein frantziarrak Euskal Herria nazio gisa aitortu eta Determinazio Askerako Eskubidea onartze bidera zuzendutako ekinbide osoaren gainean egongo da. Arduraduna Kontseilu Nazionalako kidea izango da.

### **Nazio Batzarra:**

**(186)** SORTUren eztabaida eta erabaki gune nagusia izango da. Bertan, SORTUri dagozkion erabaki nagusiak hartuko dira. Horretarako metodologia zainduko da, gai bakoitza Herriko Batzarretan taxuz eta denboraz eztabaida dadin.

**(187)** Herrietako ordezkariak beraien Herriko Batzarraren iritzi nagusia Nazio Batzarrera eramateko mandatua izango badute ere, Nazio Batzarrean gertatuko den eztabaidaren ondorioz iritzi aldatzeko aukera izango dute. Jakina, Nazio Batzarraren ondoren beraien Herriko Batzarrari bertan egindako eztabaidaren eta beraiek bertan izandako jarreraren berri eman beharko diote.

**(188)** Nazio Batzarreko kide guztiak Herriko Batzarretan izen-abizenez hautatuak izango dira, baita hauen ordezkariak ere. Nazio Batzarrean parte hartuko dute Herri Batzarretan hautatutako ordezkariak (50 militante baino gutxiagokoak ordezkari bat izango dute -Herri Kontseiluko Koordinatzailea-; 50 eta 100 militante bitartekoak bi -bata Herri Kontseiluko koordinatzailea-; eta 100 militantetik gorakoak hiru -bata Herri Kontseiluko Koordinatzailea-), Herri Batzarretan herrialde irizpidez hautatutako 20 kidek (Ipar Euskal Herriko prozesua egin artean Hego Euskal Herriko herrialde bakoitzeko bost), Kontseilu Nazionalak, Herrialde Kontseiluek eta egiturako liberatu guztiek (azken hauek iritzia emateko aukera izango dute, baina ez dute bertan bozkatzeko aukerarik izango).

**(189)** Kide hauez gain, Kontseilu Nazionalako kideak izango dira Europako Legebil-

tzarreko eta Madrilgo Senatuko eta Kongresuko hautetsiak, Nafarroako eta Gasteizko Legebiltzarretako ordezkariak (launa), Herrialdeko Ahaldu Nagusiak eta Aldundieta-ko foru diputatuak.

**(190)** Nazio Batzarrak ez du maiztasun zehatzik izango, baina SORTUK hartu beharko dituen erabaki nagusiak hartzeko adina aldiz bildu beharko da.

### **Kongresua:**

**(191)** SORTUren zuzendaritza izendatzeko eta ildo politiko estrategikoa funtzeko organo erabakitzaile gorena da. Behar berezirik ezean, SORTUK lau urtero egingo du Kongresua. Bere lan nagusia lau urtez behin SORTUren kargu nagusi guztiak izendatzea eta hurrengo lau urteetarako estrategia politikoaren aurreikuspena onartzea da. Bertan parte hartuko dute Herri Batzarretan hautatutako ordezkariak, Kontseilu Nazionalak eta Herrialde Kontseiluetako Batzordeetako kideak.



## PROPOSAMEN ALTERNATIBOAK:

### SORTUREN HELBURU ESTRATEGIKOAK

- (50)** a) Sortuk bere egiten ditu Ezker Abertzalearen ikur izan diren helburu estrategikoak, Independentzia eta Sozialismoa. Gainerakoak ez jarri.  
 b) Printzipio feministak aipatu beharrean, helburua "ez-patriarkala" dela esatea.  
 c) Helburu estrategikoen artean "feminista" sartzea eta ez "ez-patriarkala".
- (51)** a) Lehenik eta behin, Sortuk Euskal Herria hartzen du jarduteko eremu gisa. Euskal Herria, euskaldun ororen lurralde historikoa izanik, zatitua eta asimilatua izan da Nafarroako Erresumaz geroztik. Berezkoak dituen kultura, hizkuntza, balioak zein izaera etengabe erasotua izan dira historian zehar inposaketaren bitartez, XIX. mendeko karlistadetan galduriko foruak izanik burujabetzaren azken zantzua. Gerra karlisten ondoren euskal burgesiaren eskutik Nazionalismoa hedatu zen, burgesiaren garapena xede eta arrazoi etnikoak oinarri. Alta, nazionalismoaz haratago, XX. mendean euskal langileriak independentzia kolonizazio arrotzeko emantzipazioaren burutzea bezala ulertu behar dela erakutsi du. Beraz, abertzaletasuna ezin daiteke nazionalismoarekin nahasi, bata herri baten zapalkuntzaren aurrean egiten den burujabetza hautua eta honen sentimendua izanik eta bestea nazio-estatu-etnia baten garapen eta lidergo-nagusitasuna xede duen joera politikoa (burgesiaren mesedetan). Beraz, independentzia, eskubide historikoez haratago, hizkuntza, kultura zein izaera propioen bizirau-penerako eta euskal langileriaren eskubideen bermerako tresna da. Horregatik ezin daiteke ulertu independentzia sozialismorik gabe, zapalkuntzarik gabeko jendarte eraikitzea helburu, feminismoaren balioak barneratuz, proiektu sozialista eraikitzea izanik gure konpromisoa.  
 b) Sorturen jarduteko eremu naturala Euskal Herria bada ere, Nazioarteko testuingurua kontuan hartuko du; beraz, Euskal Herritik mundura eta mundutik Euskal Herrira landuko ditu. Euskal Herriaren iragana eta oraina kontuan hartuz, abertzaletasunaren bidez etorkizuna irabazi nahi du Sortuk. Hots, Euskal Herria munduko beste estatuen mailara ekarri nahi da, subiranotasun maila gorena eskuratuta. Hori da euskal herritar askoren ustea eta nahia, baina ezkerreko abertzaleok, gainera, beste arrazoi bat dugu subiranotasuna lortzeko, sozialismoa ezartzea, alegia. Printzipio feministetan oinarritutako sozialismoaren bidez, gizaki guztien duintasuna aldarrikatzen da, inoren zapalkuntzarik gabeko jendarte eraikitzeko, feminismoaren balioak barneratzen dituen proiektu sozialista eraiki nahi dugu, hori baita alternatiba erreal bakarra.

### SOZIALISMOA

- (70)** a) Sozialismoaren bidez kapitalismoa gaingituko duen jendarte eredu berria irudikatzen dugu. Gure herriaren ezaugarrietan eta gogoetan oinarri hartuko duen eredu eta bide propioa ditugu ardatz. Ama Lurra, herriak eta pertsonak gutxi batzuen irabazi metaketaren mesederako azpiratzen dituen sistema ordezkatu nahi dugu, haren ordeztu, naturarekiko orekan, jendarte-baliabideak pertsonen eta herrien garapenaren zerbitzura ezartzeko.
- Herritar askez osaturiko Euskal Herria askea eraikitzeko eta herritarron bizi-proiektu burujabe eta duinak bermatzeko, ezinbesteko deritzogu kapitalismoa eta eredu patriarkala irauli eta haiei kontrajarriko zaizkien ekoizpen-modu, jendarte- molde eta bizi-eredu berriak eraikitzeari. Kontsumo-ahalmenetik eta lan- baldintzetatik haratago, ikuspegi ekonomizista hutsa gaingituz duen jendarte ereduaren alternatiba integrala aldarrikatzen dugu sozialismoaren bidez:
- Bizi-proiektu aske eta burujabeak oinarritzeko aldaketa estrukturalak eragingo dituen: elkartasun oinarrien gainean eraikitako sektore publiko indartsua; zerga politika progresiboa; sektore ekonomiko estrategikoen jabetza publikoa; ekonomia sozialaren aldeko hau-

tua; aberastasunaren eta lanaren banaketa solidarioa eta zaintzaren nahiz lan erreproduktiboaren ardura partekatua dira, besteak beste, eremu honen norabide oinarritzekoak.

- Jendartearen harreman molde kapitalistak eta patriarkalak eraldatuko dituen: esplotazio, menpekotasun eta hierarkia harreman moldeek parekidetasun, lankidetzeta, elkarkidetzeta eta elkartasun harreman-moduei bide eman diezaieten.

- Egun sustatzen den pertsona indibidualistaren, kontsumistaren eta otzanaren aurrean, herri ikuspegi eta arduraz jardungo duten subjektu kritikoak, burujabeak eta solidarioagoak sustatuko dituen.

Sozialismoa demokrazia osoaren aldeko borroka gisa ulertzen dugu: azpiratzen gaituzten interes ekonomiko eta politikoen gainetik herritarron boteretzea bilatzen dugulako; gehien-goia garen langileon eta herri sektoreon interesen defentsa lehenesten dugulako; eta jendarte eredu sozialista herritarron atxikimenduz eraiki nahi dugulako.

Gure proiektuak Euskal Herriko abertzale ezkeriar guztiak biltzea du xede, eta, beraz, ezkerria eta sozialismoa ulertzeko modu desberdinek tartea izan behar dute bertan. Kontraesanak, gatazkak eta eztabaidak prozesuaren bizitasunaren adierazle izanik, norabide estrategikoaren perspektiban, unean uneko baldintza, aukera eta praxiaren bidez argitu beharko dira.

### EUSKARA

- (110)** Barrura begira bere egiturek eta atal guztiek euskaraz funtzionatuko dute.

### PAREKIDETASUNA

- (111)** Egiturek parekideak izan daitezten ahalegin berezia egingo da, eta hala ez direnak zuzentze prozesuan murgilduko dira, SORTU parekidea izan arte. Helburu horri begira Parekidetasunari begirako Barne Plana onartuko du SORTUK eta plan hori gara dadin barne batzordea martxan jarriko du. Izan ere, egitura parekidea izan dadin, aukerak eman behar dira funtzionamendu parekidea benetan gerta dadin.

### BATZARRETAKO ORDEZKARIAK

- (117)** Herrialdeko Batzarrerako eta Nazio Batzarrerako herri edo auzo bakoitzak bi ordezkari eta Kongresurako hiru.

### ESKUALDEKO EGITURAK

- (159)** Egitura ez-erabakitzailea izatea, transmisiorako eta koordinaziorako soilik.



